
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google[™] books

<https://books.google.com>



100000

100000

A

08A5

By Fr. Luke Wadding (1588-1657)

Franciscan of Waterford.
Lunenburg.

President of the
Irish College,
Salamanca.

Founder of St. Isidore's
College, Rome.

Instigated Irish
Rebellion of 1641.

Rome, 1655.

For more
of his life

IMMACVLATAE
CONCEPTIONI
B. MARIAE VIRGINIS

Non aduerfari eius mortem corporalem.

OPVSCVLVM

AVTHOR FR. LVCAS VVADDINGVS
ORDINIS MINORVM.

St. Proennots

WIDLING

1507/74

ROMÆ, Apud Nicolaumangelum Tinassium: MDCLV.

Superiorum permissu.





PHILIPPO IV.

HISPANIARVM,
ET NOVI ORBIS MONARCHAE.



REX CATHOLICE



X re veteri facio nouam,
dum opellam
à me olim
compositam;
hactenus in
scrinio repositam, nunc in con-
spectum produco. PHILIPPVS III.
Te filio dignus pater, constanti

S. 2

pieta-

pietate Princeps , Antonium à
 Trejo, ex supremo Ordinis Mino-
 rum Præfecto Episcopum Car-
 thaginensem, ad Paulum V. Pont.
 Max. promunienda & stabilien-
 da doctrina de B. Mariæ Virginis
 Immaculata Conceptione misit
 Oratorem . Is porro nullum præ-
 termittebat studium integrè sub-
 eundæ Legationis, quæcumque
 impedimenta procul faciens, ad-
 iumenta undique conquirens .
 Obijciebantur ex aduerso ali-
 quot non aspernendæ difficulta-
 tes . Vna illa, neque infima, de-
 sumpta ex Sacratissimæ Virginis
 morte , *quæ dum peccatum dici-*
tur, quia ex peccato facta est, con-
 sequi videbatur , vel Mariam
 peccato noxiæ reatus merito

Aug.
 conc. 2
 in Pf.
 34.

hac

hac poena punitam; vel Deum
iniustum fore, qui innocenti crea-
turæ graue hoc intulerit suppli-
cium. Id mihi, Studiorum Ora-
toris participi, iniunctum, vt im-
plexum fatis dubium enodarem,
quod nunc in istum modum præ-
stiti, quo nunc Tibi conspicien-
dam exhibeo. Is fuit Tui Geni-
toris erga Dei Genitricem ardor
affectus (quem in te utique trans-
fudit) vt nullo vnquam tempo-
re exagitari aut studiosè impeti
senferit probabilem, piamq; de
Immaculato Virginis conceptu
sententiam, quin statim tutela-
res innocentiae maternæ, Christi
filij Vicarios aduocarit. Quoties
aduersus hoc sacrum mysterium
quidquam pensitatum est, toties
Pater,

Pater & Filius occurrerunt, de-
fensuri, à qua defendi speramus,
nostri generis aduocatam. Ve-
stra vtrique in hac re pietas, sem-
per sollicitior, quando turba-
tur, effecit, vt inter aduersitates
prosperaretur, & impugnata
semper cresceret pia hæc, iam
vbique recepta, doctrina. Per-
ge itaque Catholice Princeps, &
Te, Tuaque in tot angustijs de-
fendentem, qua soles, pietate
defende.

Pro Tua Catholica Maiestate.



Humilis, & deuotus Orator
Fr. Lucas Vvaddingus.

So-

Solidæ pietatis & doctrinæ opusculum hoc à præfixo Authoris nomine abunde commendatur, Nihil est in eo Catholicæ Bidei, aut bonis moribus aduersum, quinimo omnia laude, & luce sunt dignissima. Ita testamur in Collegio Romano S. Isidori FFr: Minor. Hibernorum die 4. Iunij 1655.

*Fr. Franciscus Haroldus Sacræ Theologiæ
Lector.*

*Fr. Maurus Matthæus Sacræ Theologiæ
Lector.*



Placet ut opusculum hoc de morte B. Mariæ Virginis à Reu. Admod. P. Fr. Luca Vvadingo compositum, à doctisq; viris nostri Collegij S. Isidori approbatum, seruatim seruan-
dis, typis committatur. Datum apud
Aram-coeli 6. Iunij 1655.

*Fr. Martinus Dieß Procurator generalis
Ordinis.*

VTRVM



Imprimatur, si videbitur Reue-
rendiss. P. Magistro S. Palatij
Apostolici.

M. A. Oddus Vicesgerens.

Imprimatur,
Fr. Raymundus Capisuccus Sa-
cri Palatij Apostolici Magist.
Ordinis Prædicatorum.



V T R V M
IMMACVLATAE
CONCEPTIONI
B. MARIAE VIRGINIS
ADVERSETVR
EIVS MORS CORPORALIS?

643

P R O O E M I V M .



VSSVS. vt meum
dicerem, & alio-
rum sensum inqui-
rerem circa mortē
Beatissimę Virgi-
nis Deiparę, vnde
scilicet sacrosancti illius plasma-
tis solutio contigerit, an ex pecca-
ti supplicio, an à sequela naturę?
malui aliquid, etsi humile, in quæ-
stione non humili exarare, quam
in obsequendo tardioris, & erga
præcipientem immemoris notam.

A

in-

incurrerem. Cuperem certe ipsum in tanto dubio ducem habere, & prius audire, quid ipse interrogatus diceret, quam temerè respondendo præire: ita enim facilius sequer, breuiusque illius confirmarem sententiam, quam meam inter tot aliorum placita fluctuantem, Doctorum stitissem iudicio. At mea erga illum reuerentia, & gratitudo persuadent, vt eius potius obsequi mandatis, quam aliorum studeam declinare censuras. Iam obsequor, & ad faciliorem in graui quæstione processum rem omnem per diuersa capita distinguo.

*Quam certum sit humanam mortem
peccati esse supplicium?*

Cap. I.

Athan. li.
3. contra
Arrian.

I.



NON improprie vocauit Athanasius mortem peccati *asseclam*, quasi transgressionis sit sequela, nec preuaricationem antecesserit, sed se

qua-



quatur. Verè etenim in fælificissimo illo rerum statu, in quo primi cõditi sunt parètes, plena erat vitę securitas, nullũ interius, nullũ exterius mortis obeundę periculũ. Sola erat peccati rimula, per quam mors ingrederetur; nec aliàs cauere iussit Dominus mortis insidias, quando novos Paradisi colonos instruxit, quam vt vnum à se impositum præceptum, obseruatu facile custodirent, quando concessis in escam, omnibus lignis pomiferis, solam eam tangi vetuit arborem scientiæ boni & mali, ad cuius esum mors præ foribus adesset, nec haberent vnde dissoluendi corporis necessitatem euaderent. *Ex omni, inquit, Gen. 2. 17 ligno paradisi comede, de ligno autem scientiæ boni & mali ne comedas; in quacumque enim die comederis ex eo, morte morieris.* Violati ergo præcepti comminatio ostendit aliunde à morte securos, nec Vita functuros nostri generis duces, nisi obe-

A 2. dien-

dicentiæ limites transilirent . Sed
 vt serpenti decipienti , magis quã
 Domino comminanti, crediderunt,
 senserunt iustas inobedientiæ poe-
 nas, sitim , esuriem, frigus, æstus,
 & sui corporis mortalitatem, quas
 tamen nisi peccassent , nequaquam
 aliunde sentirent . Hinc solum
 Apostolus omnem Adami stirpem
 mortem inuasisse testatur . Per unũ,

Rom. 5. inquit, *hominem peccatum in hunc*
 12. *mundum intravit & per peccatum*
mors & ita in omnes homines mors.

Ibid. 17. *pertransiit, in quo omnes peccave-*
runt . Et paulò inferius . Vnius de-
lictò mors regnavit , & regnavit pec-

Ibid. 21. *catum in mortem* Rom. 6. 23. *Sti-*
pendia peccati mors . Rom. 8. & 10. *Corpus propter peccatum mortuum est.*
 Et alibi pluries necessariam hanc
 nostram fidem inculcat .

2 Eandem statuit Ecclesia do-
 ctrinam contra Pelagianos , qui
 hominem mortalem creatum do-
 cebant, astruentes Adamum etiam
 in

in statu innocentiae inevitabiliter ex sua naturae conditione moriturum. Assertionem hanc hereticam esse docet Concil. Mileuitan. his verbis. *Quicumque dicit Adam primum hominem mortalem factum, ita ut siue peccaret, siue non peccaret, moreretur in corpore, hoc est de corpore exiret, non peccati merito, sed necessitate naturae, anathema sit.*

Concil.
Mileuit.
can. I.

3 Constans etiam est Sanctorum Patrum sententia, non gustaturum Adamum mortem, nisi prius gustaret, unde periret. Propter transgressionem primi hominis, inquit Cyril. corruptio genus nostrum invasit. Et alibi. Progenitor Adam peccati stipendium, prauaricationisq; successionem, corruptionem obtinuit. Theodoretus, Cyrilli synchronos, interlocutoriè disputans. Peccatum, inquit, mortem introduxit. An non mortem supplicium esse putas? Et respondet. Hoc divina docet Scriptura: Ab ea enim discimus, quod cum

Cyrl. A.
lex. li. I. in
Ioan.

Idem li. I
in Genes.
ad fin.

Theodo.
dialog. 3.
ad princ.
to. 2.

A 3 Deus

Deus Ada prohibuisset, ne cognitionis arboris esset particeps, subiunxit. Qua autem die ex ipso comederitis, morte moriemini. Mors ergo eorum, qui peccauerunt, pœna est. Et infra. Peccatum quidem mortis mater est; eius autem pater diabolus. Augustinus.

Aug. li. i.
de pecca-
tor. & re-
miss. c. 2.

*Si non peccasset Adam, non erat ex-
poliandus corpore, sed superueſtien-
dus immortalitate, & incorruptione,
ut absorberetur mortale à vita, id
est ab animali in spirituale transiret.
Et cap. 4. hoc idem ex illa deducit*

a Rom. 8.

*Pauli doctrina. ^a Corpus quidem
mortuum est propter peccatum; quam
adeo manifestam iudicat, ut statim
subiungat. Puto, quod non exposi-
tore, sed tantum lectore opus habet
tam clara, & aperta sententia. Cor-
pus, inquit Apostolus, mortuum
est, non propter fragilitatem terre-
nam, quia de terra pulvere factum
est, sed propter peccatum. Quid am-
plius querimus? Et cap. 6. eundem
versans locum ait. Mirum si ali-
quid*

quid quaritur hac manifestatione li-
quidius. Cum dixit Apostolus, cor-
pus mortuum propter peccatum, quid
aliud quàm merito peccati intellige-
re debemus, aut possumus, si apertis-
simum scriptura sensum non pro ar-
bitrio pervertere, ac detorquere co-
namur? Ipsum etiam mortis voca-
bulum suam indicare docet origi-
nem. Mors, inquit, à morsu no-
men accepit, quia generi humano
morsu antiqui serpentis acciderat. Et
li. 4. contra Julian. c. 16. loquens
de ijs miserijs, cruciatibus, & dolo-
ribus, quibus grauatur iugum su-
per filios Adam à die exitus de
ventris matris eorum, vsque in
diem sepulturæ, subiungit. Quid
igitur restat, nisi ut causa istorum
malorum sit, aut iniquitas, vel im-
potentia Dei, aut pœna primi vete-
risque peccati? Sed quia nec iniustus,
nec impotens est Deus, restat quod
non vis, sed cogeris confiteri, quod
grauè iugum super filios Adam à die

Aug. ser.
101. de
temp. &
author. li.
1. Hypog
nost. c. 4.

A 4 exitus

Eccl. 40.


*exitus de ventre matris eorum, usq;
in diem sepultura in matrem om-
nium non fuisset, nisi delicti origi-
nalis meritum præcessisset. Et conc.
2. in Psal. 34. ait, mortem ab Apo-
stolo Rom. 8. Ipsum dici peccatum,
quia peccato facta est. Multus est in
hac re Augustinus, nec quippiam
anxius inculcat, nec acrius perur-
get, nec aliunde vrgentius sumit
vndique contra Pelagianos argu-
mentum, vt probet in omnes ho-
mines diffusum primæ transgres-
sionis reatum. Ipsa illius loca,
vel citare si vellem, tædium pare-
rem, toties vbiq; fundatissimam
hanc commendat doctrinam. Vi-
dendus præcipuè lib. 13. de Ciuit.
Dei. vbi per omnia ferme capita
hanc nostræ mortis causam assi-
gnat. Ipsam eandem affert Chri-
stost. hom. 17. in Genes. in ser. de
interdictione arboris, in homil. de
lapsu primi hominis; & ser. de eod.
Et Beda mille in locis mutuatus,*

Au-

Augustini doctrinam , ac verba ,
 præcipuè in c. 5. ad Rom. Bernard.
 in sermone ad milites templi ; &
 omnes orthodoxi Ecclesię Docto-
 res , vt vno verbo omnes compre-
 hendam , nec enim cum Ecclesia
 sentit , qui aliter sentit , nec Ca-
 tholicus est , qui catholicam hanc
 de transfusione mortis per pecca-
 tum non admittit doctrinam . Vi-
 deri possunt Doctores Scholastici
 ad dist. 19. li. 2. Magistri sent. Et ad
 primam par. D. Tho. q. 79. Et 1. 2.
 q. 75. ar. 5.

*Quomodo peccatum sit mortis causa ,
 & an aliundè quàm à peccato
 sint homines mortales ?*

Cap. 2.

4  N re certa illud est in-
 certum, quomodo pec-
 catum, quod absque
 dubio mortis causam
 esse statuimus , mortem causaue-
 rit ?

rit ? Et an hoc solum sit in hominibus mortalitatis principium ? Vtriusq, autem huius dubij decisionem ab ipsa hominis creatione reor esse desumendam : ipsa etenim plasmatis constitutio docebit aperte, an sua soliditate firma constare potuerit, an aliundè necesse erat, vt liberaretur à morte ? & an vniuersale illud humani generis crimen propriè generarit interitum, vel solum remouerit, aut remoueri meruerit, per quod defenderemur à morte . Clara autem, & expressa est in eloquio diuino hominis structura ex limo terræ, & spiraculo vitæ, per quod factus est in animam viuentem . Naturalis hæc est hominis compositio, sed ex partibus naturaliter contrarijs; modica enim spiritus cum terrena substantia conuentio, & immortalis animæ cum mortali corpore exigua concordia . Sed & ipsum corpus ex contrarijs coaluit, ex humore

Homo cō-
stitutus ex
contrariis.

more radicali , & calore naturali
se mutuo depascentibus , & ex
principijs elementaribus , sibi in-
uicem aduersantibus , ita vt ex sua
compagine certæ corruptionis ob-
tinuuerit causam , & nisi aliundè
conseruaretur , ex congenita sua-
rum partium pugna habuerit , vn-
de ad terram, fragilis suæ structuræ
rediret originem .

At litem hanc optimus rerum
opifex prudentissimè diremit , eas
tribuendo homini virtutes , & su-
perexcellentes qualitates, per quas
inferiores partes in debita conti-
neret subiectione, & corpus ad re-
ctę rationis regulas in cunctis mo-
deraretur operibus . Præparauit
etiam contra corporis defectiones
naturaliter sequendas ad actiones,
& repaſiones contrariarum quali-
tatum , myſterioſam , & ſalutife-
ram medicinam, lignum videlicet
vitæ per quod , vt ait Aug. à mortis
neceſſitate prohibebatur , atq; in in-

*Eius trā-
quillitas ,
& ſecuri-
tas in ſta-
tu innocē-
tia.*

Aug. 13.
Ciuil. C. 23.

uen-

Bedain c.
2. Genes.

uentutis flore tenebatur. Lignum,
enim hoc, ut ait Beda, *diuinitus*
acceperat, ut qui ex eo manducaret,
corpus eius stabili sanitate firma-
retur, ne vel etate in deterius, vel
infirmirate in occasum dilaberetur.

An autem virtus hæc in illius ar-
boris fructu naturalis, an superna-
turalis fuerit, alijs relinquo lar-
gius disputandum. Ego obiter af-
firmauerim probabilius dici natu-
ralem, quod & clarius innuerunt

a Strab.
in Genes.
c. 12.

b Hug. in
Gen. c. 7.

c Tho. 1.

p. q. 97. 2.
vlt.

d Perer. l.

3. in Gen.

q. 4. ad c.

3. vers. 9.

Strabus^a, Hugob^b, Victorinus, &
D. Thomas^c, quos sequitur Pere-
rius^d. Præter hæc ad deperditi hu-
moris, vel vigoris refectionem,
omnes Paradisi fructus præter v-
nius interdictæ arboris *scientiæ*
(non quia ipsa erat malum, sed
propter commendandum puræ, &
simplicis obedientiæ bonum, quæ
magna virtus est rationalis crea-
turæ, sub creatore Domino con-
stitutæ) hominibus contulit in ci-
bos, quibus *alebantur*, inquit Aug.

Aug. cita.
c. 20.

ne

ne animalia corpora molestia aliquid
 esuriendo, ac sitiendo sentirent.
 Contra pericula, quæ ab extrinseco
 poterant oriri, & contra malo-
 rum angelorum inuidiam habuit,
 ut asserit D. Tho. bonorum ange-
 lorum custodiam; seu peculiarem,
 ut habet Scotus, Dei protectio-
 nem. Non paterentur ergo primi
 parentes in foelicissimo illo statu
 aliquod periculum ab intrinseco,
 quorum omnes interiores partes
 donis iustitiæ originalis, ab omni
 deordinatione erant alienæ; neq;
 ab extrinseco, dum mitissima ani-
 malia eorum regerentur imperio:
 homines non se peterent hostiliter,
 quorum status innocens nocentes
 esse non compateretur, & dæ-
 monum insidiæ, & periculosi ca-
 sus à protegente Deo, vel custo-
 dientibus Angelis prouide præca-
 uerentur. *Summam eis addidit pacem,*
 inquit Bernard. *manus benignissi-*
ma creatoris. Pacem utiq; duplicem,

Tho. 1. p.
 q. 13. ar. 4
 ad 2.
 Sco. in 2.
 d. 19. qu.
 vnic. ar.
 fin.

Vide Au-
 gust. lib.
 14. de ci-
 uitat. c. 26

Bernar.
 ser. 2. de
 Annunc.
 B. Virg.

ut

ut nec intus pugna, nec foris timores, id est, nec caro concupisceret aduersus spiritum, nec esset ei creatura ulla formidini.

Potuit mori, & non mori.

5 Tot, ac tantis remedijs præseruatiuis ipse terreni corporis singulus, qui probè cognouit figmentum nostrum, humanam voluit stabilire naturam, ne suæ relicta fragilitati, ad terram, ex qua sumpta est, corrupta rediret. Ex intrinsecis, & constituentibus principijs ad interitum tenderet, nisi ex Dei donis, & multiplici benignitate præseruaretur. Proinde dixit optimè Magister sententiarum, & paulo ante eum Hugo Victorinus, in primo illo statu *habuisse hominem posse mori, & posse non mori, quia habuit corpus animale, egens alimentis ciborum; unde & homo factus dicitur in animam uiuentem, non spiritualement, id est in animam corpus sensificantem, quod adhuc erat animale, non spirituale, quod egebat cibis,*

Magist. in
2. di. 10.
§. 1.
Hugo ci-
tat. lib. 1.
eruditio.
Theolog.
P. 7. c. 18.

cibus, ut per animam viueret. Factus est ergo in animam viuentem, id est vitam corpori dantem, tamen per sustentamenta ciborum, & tunc erat corpus mortale, quia poterat mori, & poterat non mori. Vtique erat homo mortalis à conditione naturæ, sed immortalis ab extrinseco dono diuino. Clarè rem expressit August. Quodammodo, inquit, creatus est homo immortalis, quod erat ei de ligno vite, non de conditione naturæ. Mortalis erat de conditione corporis animalis, immortalis beneficio conditoris. Non enim immortale erat, quod omninò mori non posset, quod non erit nisi cum fuerit spirituale. Cui concordat author (et si aliundè mihi suspectus) quæstionum veteris, & noui testamenti apud eundem Augustinum in appendice tomi 4. Corpus, inquit, Ada tale non erat, quod dissolui impossibile videretur: sed gustus arboris vite corruptionem corporis

Aug. li. 6.
de Gen.
ad litt. c.
25.

Aug. lib.
qq. vet. et
nou. test.
c. 29.

ris inhibebat. Nam quomodo immortale corpus habebat, quod cibo sustentabatur? Immortalis enim non eget cibo, neq; potu. Cibus enim vires prestabat, vita autem arbor medicina modo corruptionem omnem prohibebat. Cibi ergo, & alimenta vitam fouebant, & arbor vitæ producebat in longum, neq; enim sine illis potuit homo simpliciter viuere, aut sine illa per plura sæcula consistere. Merito proinde condemnarūt Pius V. & Gregor. XIII. illam Michaelis Baij propositionem 75. qua dicebat immortalitatem primi hominis non fuisse gratiæ beneficium, sed naturalem conditionem.

An aliqua animæ virtute reddebatur immortalis.

6 Verū D. Thomas non tam arboris vitæ fructu, quàm supernaturali quadam animæ virtute Adamum in illo statu à morte defendendum docet. Verba eius sunt. *Corpus Adæ non erat indissolubile per aliquem immortalitatis vigorem,*

gorem, in eo existentem; sed inerat
 animę vis quadam supernaturaliter
 diuinitus data, per quam poterat cor-
 pus ab omni corruptione præseruare,
 quamdiu ipsa Deo subiecta mansisset;
 quod rationabiliter factum est; quia
 enim anima rationalis excedit pro-
 portinẽ corporalis materia, conueciens
 fuit, ut in principio virtus ei daretur,
 per quam corpus conseruare
 posset supra naturam corporalis ma-
 teria. Sed de hac virtute non im-
 meritò ambigit Scotus & post eum
 non pauci, inter quos Perer. videri
 ait, vel illam virtutem, vel arbo-
 rem vitę esse superuacaneam. Ar-
 borem verò munus hoc incorru-
 ptionis plenè præstituram, vel ex
 ipso cognomine colligere licebit,
 propterea nanq; *vita arbor* dicebatur,
 ut ex alijs obseruauit Cornel.
 à Lapide, quia vitam seruabat,
 prorogabat, reddebatque perpe-
 tuam, donec animale corpus fieret
 spirituale, & quod ex intrinsecis

Tho. 1. p.
 q. 97. a. 1.
 corp:

Scot. cit.
 Perer. cit.
 P. 3.

An vero
 ab arbore
 vita!

Cornel.
 in Genes.
 c. 2. vers.
 9. concl.
 12.

B prin-

Fulg. li. 1
de incar.
& gratia
Christi c.
12.

Gen. 3.

Author.
qq vet. &
noui test.
cit.

Julian. a-
pud Cy-
ril. Alex.
li. 3. cont.
eund.

principijs erat mortale, *transiret in spirituales immortalesq; statum*, vt inquit Fulgentius; *nisi mortem corporis animalis peccando meruisset*. Nec obscure hoc docet ipsa diuina Scriptura, dum iam donis omnibus supernaturalibus, quale erat illa assignata animæ virtus, spoliatum miserum paradisi colonum, propterea eo loco pellendum Dominus dixit, *ne fortè mitteret manum suam, & sumeret etiam de ligno vitæ, & comederet, & viveret in æternum*. Namq; etiam post peccatum potuit indissolubilis manere, vt inquit author quæstionum vet. & noui test. apud Aug. si modò permissum esset illi edere de arbore vitæ. Eamq; ob causam, *collocauit Dominus ante paradisum voluptatis Cherubim, & flammeum gladium, atq; versatile ad custodiendam scilicet viam ligni vitæ*, non quia eam ei arborem inuidit, vt stultè, & impie obiecit Iulianus; sed

sed ut commissi criminis penam iam
statutam acciperet per mortem, &
in ipsa hac pena Dei sentiret mis-
ericordiam, ut acutè dixerunt Ire-
neus, & Epiphan. ne perseveraret
semper transgressor, neq; immor-
tale esset, quod esset circa eum,
peccatum, & malum fieret inter-
minabile, & insanabile.

Iren. li. 3.
adu. hæ-
res. c. 37.
Epiphan
hær. 64. c.
Qua qui-
dem,

7 Dubitari ergo non potest
cā status innocentiae immortalita-
tem, & vitæ perpetuitatem, donec
in meliorem suo tempore, neces-
saria iam genita prole, transferre-
tur Adamus, ei conferendam esse
per illam arborem, per quam, in-
quit Aug. *mirabili Dei gratia pra-*
stabatur, ut senio non veterasceret,
ut necessitate perduceretur ad mor-
tem, & non per illam vim animæ,
per quam fatetur Scotus se nequa-
quam videre, quomodo tribui pos-
sit corpori, quod non patiatur à
contrario. Nec certè, ut citatus in-
quit Perer. facile est intellectu,

Aug. l. 13.
de Ciu. c.
20.

B 2 quo-

Caiet. ad
cit. locū
D. Tho.

quomodo illa virtus spiritualis animæ posset adeò perfectè in corpus agere, illudque ex contrarijs qualitatibus compactum, à corruptione semper seruare. Neque aliam aduersus Scoti obiectionem rationem excogitare potuit Caiet. quam dicere hoc pertinere ad credibilia, quæ ex facto, & supernaturali virtute pendet, de quibus nulla maior est ratio, quàm authoritas diuinà per se, vel per suos sanctos patefacta. Et propterea, inquit, Augustini authoritas, quam S. Th. citat in corpore, & in qua dicitur, quod *ipse homo sibi esset author vite*, debuit Scoto sufficere, vt ex illa animæ virtute crederet corporis prodeundam immortalitatem. At præterquã quod illa, quã statuimus, sententia expressè habeatur in sacra scriptura, illa verba, quæ citat Caietanus, obseruatum est Augustini non esse, sed incogniti authoris libri quæstionum

num vet. & noui testamenti ipso il-
 lo loco, quem supra citauimus; nec
 illum, quem voluisse D. Thomam
 iudicat Caietanus, sensum efficiūt.
 Integrum refero eius responsum,
 ad hoc interrogatum. *An videli-
 cet Adam corpus immortale habuit,
 an mortale?* Et subdit: *Deus homi-
 nem fecit, qui quamdiu non pecca-
 ret, immortalitate vigeret, ut ipse
 sibi author esset ad vitam, aut ad
 mortem: ut custodiens se à peccato
 labore suo gauderet, & esse se im-
 mortalem: negligens verò factus, ip-
 se sibi imputaret, quia cœperat esse
 mortalis.* Vbi quæso in his verbis
 illa vis animæ, per quam corpus
 redderetur immortale? an in ijs,
ut ipse sibi author esset ad vitam?
 sed adiungit *aut ad mortem;* & im-
 mediâtè explicat, qua ratione pos-
 set sibi author esse vitæ, non quia
 in se principium indefectibilis ha-
 bebat vitæ; *sed quia quamdiu, in-*
quit, in creatoris lege durauit, di-

gnus fuit edere de arbore vitæ, ut mori non posset. Propterea ergo dixit hic Doctor, quod Adamus sibi vitæ author foret, quia per Dei gratiam, & auxilia potuit sibi cauere à peccato, quod iuxta diuinam comminationem absq; dubio mortem inferret, & similiter mortis sibi causa fuit, non obseruando, quod lex diuina præcepit.

*Qua ratio
ne dicitur
peccatum
causa mor-
tis?*

^a Bellar.
l. de gra.
pri. hom.
c. 15.
^b Abul.
in ca. 13.
Gē. quæst.
124 & 168

8 Ex his ergo statuitur, & tanquam certum ad principalis dubij solutionem supponitur, Adam consideratum secundum sua principia naturalia mori potuisse, & corruptioni fuisse obnoxium, non tamen moriturum, nec corrumpendum, dum præseruatiua illa haberet extrinseca, eiq; liceret de vitæ arbore, vel semel, ut cum quibusdam sentit Bellarmin. ^a vel pluries quoties opus erat ad integras vitæ vires reparandas, ut cum Scoto, Duran. & Caietano docet ^b Abulen. quantum necesse erat, manduca-

ducare . Potuit , inquit Scotus , Scotus
 homo stante statu innocentie mor- cit.
 ri ; ista tamen potentia non fuisset
 reducta ad actum , quia mortem
 arcebat esus ligni vitæ . Proinde
 igitur dicitur peccatū causa mor-
 tis , quia remouit prohibens mor-
 tem , & demeruit homo peccans ,
 vt illis potiretur donis , quæ dum
 iustus erat , accepit . Fecit pecca-
 tum , vt donis spoliaretur homo
 diuinis , & principijs relinqueretur
 humanis , vt ab his ineuitabi-
 lem attraheret mortem , qui ab il-
 lis indefectibilem acciperet vitam .
 Eo prorsus die , quo cibum inter-
 dictum mortiferumq; nostri sum-
 pserunt parentes , *à ligno vita sepa-*
ratione iustissima , inquit Augustin.
mortis in eis corporalis necessitas fa-
cta est , per quod experti sunt veri-
 tatem comminatorie sententie di-
 uine : *In quocunque die comederis*
ex eo , morte morieris . seu mortalis
eris , vt optimè vertisse Symachum

Aug.li.13
 de Ciuit.
 Dei c.23.
 Vid. eūd.
 l.11. de
 Genes.ad
 lit. c.32.
 Hyer.lib.
 tradit.He
 br.in Gé.

commendat Hieronymus . Nam licet eodem die nō fuerint prorsus à corpore soluti , mortales euaserunt , non solum potentia naturali moriendi , quam etiam in statu innocentiae ex naturali habebant constitutione , sed & ineuitabili necessitate moriendi , quàm iam spoliati , & sibi ipsis relictis , culpabiliter contraxerant . Illo die mortui sunt , quia illo die mori ceperunt ; ad eum modum , quo nos quotidie mori dicimur , & primæ natiuitatis horam , primā esse mortis notauit Sapiens , dum dixit . *Nos nati continuo desinimus esse* . Et Thecuitis femina Dauidi intimaui : *Omnes morimur , & quasi aqua dilabimur super terram , quæ non reuertuntur* . Quot enim vitæ dies elabuntur , tot currimus ad mortem , nec reuertuntur defluentes horæ ad vitæ mensuram , sed præterlabuntur ad mortis approximationē . Eleganter , & acutè Tragicus .

Parce

Sap. 5. 13

1. Reg. 14.
14.

Parce venturis, tibi mors paramur;

Sis licet segnis, properamus ipsi:

Prima, quæ vitam dedit hora, carpit.

Senec. in
Herc. fur.
Act. 3.

9 Causa ergo moralis & demeritoria mortis peccatum est & veluti conditio, sine qua non suam fragilitatem homines ipsa corruptione sentirent. Causa ergo naturalis & efficiens (si mors, quæ solum priuatio est vitæ, efficienter fieri dicatur) est ipsa protoplastæ naturæ ex contrarijs constitutio.

Duplex
mortis cau-
sa 1

Propterea dixit D. Thom. mortem esse naturalem propter conditionem materiæ humani corporis, & poenalem propter amissionem diuini beneficii, præseruantis à morte.

Tho. 22.
q. 164. 2. 1
ad 1.

Similem habet alibi doctrinam, duas assignans mortis causas, vnam ex parte principiorum materialium humani corporis, ex contrarijs compositis; alteram peccatum, per quod sublatum est mortis impedimentum.

Idem 3. p.
q. 14. 2. 3.
ad 2.

Et in epist. ad Hebr. ait, quod secundum causam naturalem, & ex

Idē lect.
5. in c. 9.
ad Hebr.

con-

conditione naturæ statutum est hominem semel mori, in quantum componitur ex contrariis, & quod Adā ex merito mortis meruit peccando illud beneficium perdere, per quod liberaretur à morte, si non peccaret. Rem apto declaravit exemplo Robert. Holcoth. his verbis: Dicendū, quod mors est homini naturalis, & tamen poena inflicta: sicut si dominus daret seruo suo originarie libertatem, & postea propter ingratitudinem suam priuaret eum tali libertate, tunc seruitus foret illi & penalis & naturalis. Creant ergo parentes mortales filios mortales, & mortalitatem generatione transfundunt, quæ licet destitutæ sit sequela naturæ, est etiam & commissi poena peccati.

Holcoth.
in Sap. c.
4. lect. 43.

An

An B. Virgo mortem obierit ob Originale peccatum actu contractū?

Cap. III.

IO



STATVTA hac de peccati pæna doctrina, causam Virgineę mortis inquirimus, an videlicet meruerit propter peccatum vita priuari? Licet autem, vt Aug.

docet, tam per actuale, quam originale reatum mors possit incurri, solum originale in Virginis morte rimamur, ab omni enim vel leui veniali peccato immunem fuisse, firmiter tenet Ecclesia. At quia non vno modo à diuersis cõtenditur eã originaliter peccasse, dum sint qui actu peccatum contraxisse dicant; alij vero affirmant solum in Adamo (*in quo vno fuimus omnes, quando omnes, inquit August. fuimus ille vnus*) peccasse, iuxta vtramq; sensum diuissim nostra procedet inuestigatio. Proinde hic interrogamus

Aug. ep. ad Eudium.

Con. Tri. sess. 6. canon. 26.

Aug. 13. de Ciuit. c. 14.

mus

mus, an quia actualiter contraxerit maculam peccati originalis, mortem sustulerit in pœnam?

Bandel.
tract. 2. de
Concept.
c. 4. Caiet
opus. de
Concept.
c. 3. paulo
ante fin.
& alij.

Nō infligitur pœna sine propria culpa.

August.

II Affirmant, qui originali peccato infectam contendunt, nam vt conceptum reddant culpabilem, vitam terminasse volunt sub culpæ supplicio. Hinc enim non inefficax, vt iudicant, argumentum deducunt, dū mortē in omnibus pœnā esse peccati SS. Patres. ex Scriptura demōstrāt. Constās est ista sequela: Vbi pœna, ibi & meritū pœnæ; & qui cōmunicauit supplicio, comunicauit & culpæ. Ita dilucidè argumentatus est August. vel qui author est libri de prædestinatione & gratia c. 3. *Quia inquit, in omnes homines mors pertransiit, in omnes necesse est pertransisse peccatum. Peccatum quomodo cum paruulis originale nascatur, carnis oculis videre non possumus. Quia vero ex Adam omnes carnaliter natos, & si illi iam etiam, qui in Christo renati sunt,*
vi-

videmus mortis lege constringi, per
 hoc quod videmus semper paruulos
 mori, cogimur confiteri semper par-
 uulos nasci cum peccato originali.
 Facilius enim fieri posset, ut quamuis
 transeunte peccato, poena minime se-
 queretur, quàm ut nulla communi-
 catione peccati partem sumat poena,
 qui non habet culpa. Latentem
 culpam docet S. Doctor, per ma-
 nifestam penam ostendi, & argu-
 mentum esse euidens, quantumuis
 occulti, peccati, passionem illati
 supplicij. Idem docuit Prosper, Au-
 gustini discipulus. Patet, inquit,
 culpa, ubi non latet poena; & societas
 peccati conuincitur de communione
 supplicij, ut quod est humana miseria
 non de institutione creatoris, sed de
 retributione sit iudicis. Et lib. de
 ingratis contra Pelagianos c. 40.
 hoc metro corporis afflictionem,
 docet animæ præcedere vulnus.
 Nemo etenim, nemo est, qui non cum
 vulnere primi

Prosper
 l. contra
 Collat. c.
 25.

Sit

*Sit patris genitus; quo vulnere mēs
prius intus*

Percussa est, quam membra foris.

Fulgent. Et Fulgent lib. de incarn. & gratia
Christi c. 14. *Qua iustitia paruulus
subijcitur peccati stipendio, si nulla
est in eo peccati pollutio? vel quo-
modo videmus morte punctum, si non
sensit aculeum?* Quibus verbis in-

Rom. 6. fert ex Apostolo dicente *mortem es-
se stipendium peccati.* & rursus pec-
catum aculeum mortis, non pungi
hominem morte, nisi per aculeum
peccati, & ad mortis stipendium,
meritum præcessisse stipendij.

*Ad Dei iu-
sticiam
pertinet nō
inferre
mortem
absq. cul-
pa.*

12 Deinde ad rectam, & æ-
quam Dei iusticiam iudicant per-
tinere non inferre grauissimum, &
omnium terribilissimū mortis sup-
plicium absque proprio morientis
delicto. Idque non difficile probat-
ur ex frequenti Augustini doctri-
na. Oportunus est ille locus li. 1.
operis imperfecti cōtra Iulian. iux-
ta recentem editionem, num. 47.

August.

in

in quo Deum iniustitiæ, vel impotentiae arguendum dicit, si parvulos, quos Iulianus omnino innocētes dicebat, morte puniret. Si tibi inquit ad Iulian. placet innocentia parvulorum, remove ab eis si potes, grave iugum, quod est super filios Adam: à die exitus de ventre matris eorum. Sed puto quod Scriptura, quæ hoc dixit, melius te noverat quid esset innocentia creature, & quid iniustitia creatoris. Quis autem non videat si habent parvuli, qualem predicat, innocentiam. Nisi fortè tibi in hac quæstione laboranti Deus iustus quidem videtur, sed infirmus, quodammodo, qui suis imaginibus ne innocētes gravi iugo miseriæ premerentur, subvenire nō potuit, ut eū dicas voluisse quidem, quia iustus est, sed non potuisse quia omnipotens non est, atque ita de his angustiis ex eas, ut fidei caput perdas, quæ fide primitus in symbolo confitemur, credere nos in Deum patrem omnipotentem. Deus
igi-

igitur tuus, ut tot ac tantis malis,
 qua paruuli patiuntur, aut iustitiam,
 aut omnipotentiam, aut ipsam curam
 rerum humanarum est perditurus.
 Quodlibet autem istorum dixeris, vi-
 de quid egeris. Et num. 25. nocen-
 tiæ, & peccati in paruulis sufficiens
 testimonium esse indicat inflictas
 misérias. Et num. 49. postquam
 ostendit non esse tribuendas Dei
 infirmitati vel impotentiae huma-
 nas usque ad mortem ipsam mise-
 rias, qui eos si vellet, posset auer-
 tere, subiungit. Iugum graue, quo
 premuntur filij Adam ex die natiui-
 tatis sue, procul dubio ab eis posset
 auferre, imò nec ullo modo illud im-
 poneret, imponiue permetteret, ni-
 si peccata in eis, cum quibus nati
 sunt, inueniret. Si ergo te delectaret,
 diuina iustitia, videres profectò
 quod ex ipsa veniat non utique iniu-
 ste à paruulis incipiens nota omnibus
 humana miseria, qua peragitur hac
 vita

vita a primis fletibus nascentium
 usque ad extremos halitus morien-
 tium, Et lib. 6. contra Iulianum c. 4.
 ait quod si peccata primorum paren-
 tum, quæ dicuntur aliena proprietate
 actionis, non etiam essent nostra con-
 tagione propaginis, profectò graue
 iugum super filios Adam. nullo modo
 iustum esset. Et li. 5. contra eundem
 c. 3. Si autem, inquit, non est hæc pæ-
 na peccati, profectò iniqua pæna est,
 & iniustum facis Deum, quo iubente
 vel sinente; aut infirmum, quo non
 auertente, infligitur innocenti Et lib.
 4. ad Bonifaciū c. 4. dicit: Innocētes
 paruulos iniusto iudicio puniri, si ad
 eos ex Adam transit pæna sine culpa,
 & ex Adam trahūt mortem sine me-
 rito mortis. Plura habet in hanc
 rem lib. de quantitate animæ c. 33.
 & in psal. 61. innumerisque in lo-
 cis suæ doctrinæ.

13 Eius in hac re doctrinam
 sequutus est Fulgentius lib. de In- Fulgent.
 carnatione & gratia Christi c. 14.

C

Hi

*Hi inquit qui mortem solam, ut non
 etiam peccatum ex homine primo trā-
 sisse in genus humanum nituntur as-
 serere, mirum si non intelligunt qui-
 bus sententia sua laqueis obligentur.
 Primo quia Deum dicunt iniustum,
 quod mori faciat paruulos, quos nul-
 la volunt isti originalis peccati con-
 tagione pollutos, quosque manifestè
 constat infantili atate aliquid actua-
 lis peccati propria non posse volunta-
 te contrahere, cum mortem stipen-
 dium Apostolus esse peccati definiat.
 Et cum non sit iniquitas apud Deum,
 qui fecit hominem ad imaginem suā,
 quæ iustitia est, ut imago Dei, quæ ni-
 hil potuit per seipsam delinquere, si
 non redimatur sanguine filij Dei, in
 regnum Dei non permittatur intra-
 re? Et paulo post. Si ergo nolunt
 in ipsius Dei contumeliam mortifera
 impietate versari, fateantur homi-
 nem primum in omnes homines cum
 morte transmississe peccatum. Et D.
 Prosper supra citatus lib. contra
 Col-*

Collat. Si fortè dicatur in Adam posteros pœnam transisse, non culpam, omni modo falso dicitur, & ob hoc fortè non dicitur. Nimis enim impium est hoc de Dei sentire iustitia, quod à prauaricatione liberos, cū reis voluit esse damnatos.

14 Conspirant in hanc sententiam qui catholicam stabiliunt cōtra Pelagianos de transfusione, & actuali contractione originalis peccati doctrinam. Sed & eam Ecclesia definiuit in Cōc. Arauficano 2. sub Felice Papa 4. c. 2. his verbis. Si quis soli Adæ prauaricationem suam, non & eius propagini, asserit nocuisse, aut certè mortem tantam corporis, quæ pœna peccati est, non autem est peccatum, quod mors est anima, per unum hominem in omne genus humanum transisse testatur, iniustitiam Deo dabit, contradicens Apostolo dicenti : Per unum hominem peccatum intrauit in mundum, & per peccatum mors in omnes homi-

Rom. 5

nes pertransyt, in quo omnes peccauerunt. Quam definitionem indicat Seuerinus Binius in notis ad prædictum Concil. desumpsisse Synodi Patres ex lib. 4. August. contra duas epistolas Pelagiani cap. 4. Clarius etiam hæc alijs in locis docet Aug. nec tamen ibi obscure.

Sola Christi mors absq; meritis culpa

15 Tertiò, probari potest Virginis mortem propriæ, & contra-ctæ contagionis fuisse supplicium, exinde quod à sanctis Patribus soli Christo mors innocua tribuitur, qui mala penæ absq; malis meritis culpæ lubens suscepit; & de fide ita credendum docuit Aug. li. 2. de peccat. merit. & remiss. cap. 35. *Teneamus*, inquit, *indeclinabilem fidei confessionem: solus unus est, qui sine peccato natus est in similitudine carnis peccati, sine peccato vixit inter aliena peccata, sine peccato mortuus est propter nostra peccata: non declinemus in dexteram, aut in sinistram*. Et cap. 36. ait transire in

August.

om-

omnes proscriptionem iniquitatis,
& mortis, excepta vna in similitu-
dine carnis peccati. Et lib. 4. ad
Bonifacium c. 4. inquit. *De vno
solo mediatore Dei, & hominum ho-
mine Christo Iesu, catholica fides no-
uit, quod pro nobis mortem, hoc est
peccati pœnam, sine peccato subire
dignatus est. Sicut enim solus idè
factus est hominis filius, ut nos per
illum Dei filij fieremus, ita solus pro
nobis suscepit sine malis meritis pœ-
nam, ut nos per illum sine bonis me-
ritis consequeremur gratiam.* Multa
habet in hanc sententiam li. 2. de
peccato. merit. ca. 24. lib. 13. de
Trinit. cap. 14. in psal. 68. & 87.

16 Confirmarunt hanc Augu-
stini doctrinam Petrus Diaconus
& reliqui in causa fidei a Græcis
ex Oriente Romam missi, in lib.
de incar. & gratia Christi ad Ful-
gentium & alios Episcopos Africæ
(qui habetur inter Fulgentij ope-
ra.) c. 6. *Adam, inquit serpentis*

Græci Pa-
tres.

astutia deprauatus sponte diuina legis preuaricator effectus est, & ideo secundum quod ei predictum fuerat, iusto iudicio Dei mortis pena damnatur, totusque, id est secundum corpus & animam in deterius commutatus &c. Ex hoc nullus est hominum, qui non huius peccati vinculo nascatur astrictus, prater eum, qui ad hoc vinculum peccati soluendum nouo generationis modo natus esset mediator Dei & hominum homo Christus Iesus. His subscribit Prosper Aquitan. lib. de vita contemplatiua c. 20 Christus, inquit, solus sine peccato conceptus, culpam nostram suscipere non potuit; sed susceptione pena nostra culpam nostram aboleuit & penam, ille enim mortuus est peccato nostro, non suo unusquisque autem nostrum, non alieno: sed suo moritur peccato.

Prosper
Aquit.

Maria
morta
propter pec-
catum.

17 Quarto, expressè de ipsa B. Virgine ita sentire videtur Aug. concio. 2. in psal. 34. ad illa verba:

ba: Cum autem mihi molesti essent, induebar cilicio. Vbi postquam per cilicium carnem Christi mortalem intelligi docuit, & Christi mortem per Apostolum dici peccatum in illis verbis, *De peccato damnauit peccatum*, quia per peccatum facta est, ostendit, statim subiunxit. Sic ergo peccatum Domini, quod factum est de peccato, quia inde carnem assumpsit de massa ipsa, qua mortem meruerat ex peccato. Etenim ut celerius dicam Maria ex Adam mortua propter peccatum, Adam mortuus propter peccatum, & caro Domini mortua est propter delenda peccata. Cum verò Augustinus patentem mortem latentis culpæ manifestum dicat indicium, ut supra docuimus, & iniuste asserat puniri propria morte, qui proprium non habuit peccatum; Mariam verò planè affirmet mortuam propter peccatum, nihil mirum si propter intrinsecum, & actu contractum,

Supra n.
II.

reatum illam obiisse ex Augustini
sententia plerisque videatur.

Bonau.in.
3.d.3. pa.
1.ar.1. q.
2.

Bonauent
de Maria
morte sen-
tentia .

17 Rationem tandem, & ver-
ba Bonauenturæ de hoc ipso du-
bio subijcio . *Si B. Virgo caruit o-
riginali peccato, caruit merito mor-
tis; ergo vel iniustitia facta est ei,
cum mortua fuit, vel dispensatiue
pro salute generis humani mortua
est. Primum facit ad contumeliam
Dei, quia si illud verum est, Deus
non est iustus retributor. Secundum
ad contumeliam Christi, quia si illud
verum est, Christus non est sufficiens
redemptor; ergo utrumque falsum
est, & impossibile.*

18 Hæc sunt potiora, quæ pro
hac sententia congeri potuerunt.
Etenim præter illa, quæ, qui ita
sentiunt, adducunt, plura inuesti-
gavi, & quæ grauioris erant mo-
menti, propalare non omisi. Neq;
enim aliquorum infirmæ artes mi-
hi aliquando placuerunt, qui ut
suam statuunt sententiam, alienæ
fun-

fundamenta non promunt. Certè
non est firma propriæ opinionis
assertio, alienæ roboris occultatio.

*An propterea mortua Virgo Deipara
quia in Adamo peccauit, an ve-
rà ex debito contrahendi
peccatum originale?*

Cap. 4.

19



VI B. Virginem à pec-
cato originali volunt
immunem, dum eius
mortem contracti rea-

tus penam nolunt fateri, non vno
modo causam eius assignant. In-
de sunt qui defunctam dicant, quia
cum vniuerso hominum genere in
Adamo peccauit, & meruit cum
cæteris graue mortis subire sup-
plicium. Demeritum excludunt
intrinsicum, & extrinsicum in
Adamo reponunt, nec dubitant
eius mortem penam affirmare pec-
cati, dummodò non in se incurris-

se;

Vasq. in
3. par. to.
2. disput.
115. & c.
1. n. 115.
& c. 11. n.
124.
Ægid. lib.
3. de prò-
fer. q. 4. a.
2. §. 1. nu.
49. & seq.
& alij.

*Quidam
sentiant
Mariam
obijſſe quia
peccauit
in Adam.*

ſe; ſed in alio illud commiſſe defendant . Conſtitutum, inquiunt, fuit ei, ſicut & reliquis hominibus propter peccatum primi parentis ſemel mori , & ab hac conſtitutione liberata non fuit , quamuis à conſtitutione de transfuſione peccati originalis fuerit exēpta . Præſeruatam præ cæteris aiunt à culpa , ſed incluſam cū cæteris ſub pēna ; nam licet ipſa non habuerit meritum mortis, habuit tamen ille , qui demeritum intulit vitæ ; cuius peccatum etſi aſſione fuerit vnus, fuit in radice, à qua omnes proceſſuri erant , virtute & contagione cunctorum . Hac ratione ſe ſatisfecisse putant ſufficienter Auguſtino ſupra citato , & ſi qui ſunt alij, qui mortuam affirmant B. Virginem propter peccatum .

*Impugnā.
ſur .*

20 At quid ſit, ſiue B. Virgo peccauerit in Adamo, vt cōmunior & facilior fert opinio, ſiue nō peccauerit; vt alij nunc probabilius ,
quām

quàm vtilius defendunt (neque enim consultum, putauerim modò de hoc dubio controuerti, ne extra principalem controuersiam de actuali contractione maculæ, vel immunitate ab eadem exspaciari liceat, & disputatoribus plura offerantur diuerticula) fateor, quam alij probant, facilemque putant sententiam hanc, mihi aliquas parere difficultates. Primam, quod ob culpam in alio commissam, soluat penam in seipsa, & sit radicale peccatum, sed personale supplicium. Ad modum delicti est & plagarum modus. Non negauerim, quod productior aliquando est, quam Deus infligit pena, quam quod committit homo peccatum, vt docet August. ne parua putaretur culpa, si cum illa finiretur & poena. Nec dubitauerim remisso & condonato peccato vniuersum, quandoque non tolli vel dimitti poenæ supplicium, vt credi statuit

Aug. trac
124. in c.
21. Ioan.
ad med.
& lib. 21.
de ciuit.
Dei c. 11

Con-

Concil.
rid. fef.
A. C. 10.
can. 12

supra c. 3
num. 11.

Vide l. 1.
de pecca.
meri. c. 9.
& seq. fer.
mon. 4. de
Verb. A.
post. &
Bed. in
ca. 5. ad
Rom.

Concil. Tridentinum . At dubium
faceffit quomodo vera & intrinse-
ca alicui infligantur tormenta ob-
radicale & extrinsecum in primo
parente peccatum , à quo in pro-
pria persona dūm verum esse per-
sonæ acceperit , omnino censeatur
immunis . Facilius fieri posse supra
ostendimus ex Augustino, vt tran-
seunte ad posteros peccato , non
tamen sequatur & poena, quam vt
non transeunte culpa, transeat pē-
na, & absque cōmunicatione pec-
cati partem sumat pēnæ , qui non
habet culpæ . Ita verò intelligen-
dum esse illum locum Pauli . *Per
unum hominem peccatum intrauit in
mundum , & per peccatum mors , &
ita in omnes homines mors pertran-
syt ;* multis in locis docet idem
sanctissimus Magister , vt cum ipsa
morte peccatum transeat in mori-
turos , ita vt absque transitu pec-
cati , paruuli & qui aliunde non
peccauerunt, corporis morte cen-
scan-

seantur indigni . Ex eodem loco collegit sancta Trident. Synod. non transfundi mortem aut penas corporis in Adæ posteros absque trās-
fusione peccati, quod mors est animæ^a, quæ iuxta superius positam Prosperi doctrinam, prius peccato vulneratur, quàm corpus morte prosternitur^a. *Omnis pœna; inquit Aug. si iusta est, peccati pœna est, & supplicium nominatur. At non illi peccato in Adamo commisso, sed in persona contracto statuendum esse mortis supplicium, docuit apertè. Peccato inquit ad Iulianum^b infantes moriantur. Cui peccato, quæso te, nisi quod originale traxerunt? Et alibi dū illas causas recenset, propter quas Deus hominibus dolores infligat, inquit: c. Omnes pœna siue temporaria, siue sempiterna, sicut unusquisque divina providentia tractandus est, inferuntur, vel pro peccatis siue præteritis, siue in quibus adhuc vivit ille qui*

Cō. Trid.
sess. 5. can.
2.

a Aug. l. 1.
retrac. c. 9
& l. 3. de
lib. arb. c.
18.

b Idem.
com. Iul.
c. 4. ad fin

c. Idem l.
21. de ci-
vi. c. 14.

qui plectitur, vel pro exercendis declarandisque virtutibus. Exerceri potest homo per dolores, & excitari potest ad altiores capeffendas virtutes per infirmitates; at occidi non debet in supplicium, nec mors ei infertur in poenam, nisi vel habuerit, vel commiserit peccatum, per quod mereatur mali subire vindictam.

sup. c. 3.
num. 12.
& 14.

Aug. lib.
6. contr.
Iulia. c. 5.

21 Non leuem etiam mihi generat difficultatem circa eandem sententiam, Augustini, aliorumque Patrum doctrina, & Concilij Arausici definitio superius posita, quæ iniustum Deum aperte contendunt, si vel non committenti, vel non habenti peccatum, mortem inferret. Tunc verè ego dixerim cum Augustino, *vera est Dei iustitia, si graue iugum super filios Adam à die exitus de ventre matris eorum non sit iniustum. Quomodo autem non est iniustum iugum graue, si nullum est in paruulis malum,*

pro-

*propter quod iuste iugo premantur
 graui . Iugum hoc pœna est, & sup-
 plicium : si autem absque causa , in-
 iustum est , vt idem docet August. &
 ab iniusto aliquo dominante ho-
 mini impositum est . Porro quia de
 omnipotentia Dei, & iustitia dubita-
 re dementis est, iusta hæc pœna est, &
 pro peccato aliquo penditur . Non
 enim quisquã iniustus dominatur ,
 aut surripere hominem potuit velut
 ignoranti Deo, aut extorquere inuito
 tanquam inualidiori vel terrendo ,
 vel configendo, vt hominem iniusta
 pœna cruciaret . Relinquitur ergo
 vt hæc pœna iusta de damnatione ho-
 minis veniat .*

Idem li. 3
 de lib. ar-
 bit. c. 18.

22 At vel ex ipsis postremis, a-
 lijsq; similibus S. Doctoris verbis
 erit forsan qui iudicet, eum in hæc
 etiam declinasse sententiã, vt suf-
 fecerit ad omnium pœnam, vel v-
 nius Adæ condemnatio . Cum e-
 nim in illo vno omnes fuimus v-
 nus, & cum illo peccante pecca-
 runt

Obiectio .

sunt vniuersi, ea, qua capitis & originis autoritate, omnium in se continuit voluntates ad bonum eligendum vel ad malum perpetrandum, continuit etiam ad boni præmium, vel ad mali supplicium. In vno ergo peccante facti sunt omnes rei, & quam ille sibi adsciuit, in omnes penam transmisit. Idque ex Apostolico confirmari potest eloquio docente, quod *vnus delicto multi mortui sunt*. Et: *Iudicium quidem ex vno in condemnationem*. Deinde: *vnus delicto mors regnavit per vnum*. Nam si per vnum & propter vnus delictum mors regnat, sufficeret illud præcessisse, ut ista sequeretur; etsi proprium vnusquisque postea non subiret reatum. Poterit ergo iusto iudicio infligi mortis supplicium ob solum commissum in Adamo peccatum, quamuis aliud nullum à nascente infante contrahatur.

Rom. 5. n.
15. 16. &
18.

23 Verum clara & aperta est
Au-

Augustini sententia de iusto supplicio non inferendo, nisi propter contractum, vel commissum præceptum, nec morte plectendos, qui ex primo illo parente descendunt, nisi ab illo traherēt unde iuste perirent. Ait ergo propter Adami peccatum Adami posteros mori, quia ex illa transgressione trahunt omnes peccati reatum, & mortis causam, & cum natura Adamus transfundit in omnes propaginis vitium, & vitij supplicium. *Spon-*
te, inquit Sanctus Doctor, deprauatus Adamus, deprauatos damnatosq;
generavit. Et l. 14. c. 1. Genus hu-
manum non fuisset in singulis qui-
busq; moriturum, nisi duo primi,
quorum creatus est unus ex nullo,
alter ex illo, id inobedientiā meruis-
sent, à quibus admissum est tam gran-
de peccatum, ut in deterius eo natu-
ra mutaretur humana, etiam in po-
steros obligatione peccati & mortis
necessitate transmissa. Peccauimus

Aug. lib.
 13. de ci-
 uil. c. 14.

D ergo

Prosp. l. 2
de vita
contemp.
c. 19.

ergo in Adamo, & in eodem dā-
nati sumus, sed *originaliter*, in-
quit Prosperus, quia ab eo neces-
sariam habemus originē peccati,
& peccati supplicij; actualiter ta-
men illud perpetimur supplicium,
quia actualiter contrahimus, per
quod puniri meremur.

24 Hunc ergo sensum esse ser-
monis Apostolici, vt ob illud pec-
catū, quod dum generamur, con-
trahimus, & non solū ob illud,
quod dum non essemus, in Adam
patrauimus, cōdemnemur ad mor-
tem, & ad alias poenas, clarē do-
cet Aug. lib. 1. de pecc. merit. c. 17.
Ita enim primum locum Apostoli
in obiectione allatum interpreta-
tur: *Ob vnius, inquit, delictū mul-
ti mortui sunt. Adam quippe ex uno
delicto suo reos genuit. Et cap. 12.
vbi secundum locum ita explicat:
Ideò dictum iudicium ex uno delicto
in condemnationem, quia sufficeret
ad condemnationem etiamsi non esset
in*

in hominibus nisi originale peccatū. Quamuis enim condemnatio grauior sit eorum, qui originali delicto etiam propria coniunxerunt, & tantò singulis grauior, quantò grauius quisq; peccauit; tamen etiam illud salum quod originaliter tractum est, nō tantum à regno Dei separat, quo paruulos sine accepta Christi gratia defunctos intrare non posse ipsi (Pelagiani scilicet) etiam confitentur; verum à salute ac vita aeterna facit alienos. Vbi ex vno delicto originali actu contracto, seu quod sit in homine, docet eum sufficiēter & iustē condemnari. Et c. 13. verbis Apostoli interrogat: Cur ob vnius delictū mors regnauit per vnum? & respōdet. Quia mortis vinculo tenebantur in illo vno, in quo omnes peccauerunt etiamsi propria peccata non adderent. Distinguit peccata actiua & propria ab illo vno originis reatu, in quo ait omnes teneri vinculo mortis, & in quo peccato om-

Vide ep.
89. ad Hi
lar. q. 3.

Vide
Azor. 1. p.
li 4. c. 29.
§. secundo
quaritur.

nes peccauerunt . Ita enim explicari & intelligi posse illud Apostoli , vel de peccato Adæ , *in quo peccato peccauerunt omnes , quia generaliter omnium factum est , quod nascentes tracturi erant omnes : vel in Adamo , in quo peccauerunt omnes , quia in eo fuerunt omnes , quando ille peccauit , unde peccatum nascendo trahitur , quod nisi renascendo non soluitur* , docet idem Aug. l. 4. ad Bonif. c. 4. & lib. 1. de peccator. merit. cap. 10. Ex quo loco vtramq; hanc expositionem accepit Beda pro his verbis interpretandis . Ob vnius ergo delictum , in posteros transfusum , regnavit mors per vnum , qui cum mortis causa ipsam mortem transmisit . *Neq; enim qua in Adamum pro peccato lata est , in nos mortis sententia pertransiuit , ut ait author lib. 2. hypognosticon apud Aug. in quos non transiuit & culpa . Nisi forte secundum Pelagianos iniustus est Deus , qui*

Beda in
cap. 5. ad
Rom.

Pseudo
Aug. l. 2.
hypogn.
c. 1.

qui expertes Adami delicti, passus est nos eius pœna vinculis adstringi.

25 Nec certè credibile est Deū sacratissimā hanc, de qua agimus, Virginem, cruciari velle & mortis affligi pœna propter illud peccatum, à quo voluit esse alienam. *Innoxiam*, vt illis verbis apud Cyprianum vt̃ar, *nec decuit affligi, nec poenam subire peccatis, quæ, vt ait B. Ephrem, ab omni sorde, & labe peccati fuit alienissima.* Vel si cuiuspiam adhuc placet, eam propter peccatū in primo illo humani generis fonte & seminario commissum, nec tamen in se admissum, illatam propter esum vetiti edulij sententiam mortis subire, confideret nō. de vna, sed de pluribus moribus sententiam hanc esse accipiendam. Ita docet Augustin. his verbis. *Cum requiritur quam mortem Deus primis hominibus fuerit comminatus, si ab eo mandatum transgredirentur acceptum, nec obedi-*

Auth. operis de Cardinal. virt. apud Cypri. ser. de nativ.

Ephr. ora. 2. de B. Vir. to. 3.

Aug. 13. de ciuit. Dei c. 12

Quam mi-
natus est
Deus mor-
tem Ada-
mo.

Gen. 2.

Vide
Fulg. l. 1.
ad Mori-
tate med.

tiam custodirent : Vtrum anima, an corporis, an totius hominis, an illa, quae secunda dicitur? Respondendam est, omnes. Prima enim constat ex duabus, secunda ex omnibus tota. Sicut enim uniuersa terra ex multis terris, & uniuersa Ecclesia ex multis constat Ecclesijs : sic uniuersa mors ex omnibus quoniam prima constat ex duabus; una anima; altera corporis & ut sit prima totius hominis mors, cum anima sine Deo & sine corpore ad tempus pœnas luit : secunda vero ubi anima sine Deo cum corpore pœnas aeternas luit. Quando ergo dixit Deus primo illi homini, quem in paradiso constituerat, de cibo vetito quacunque die ederitis ex eo morte moriemini; non tantum prima mortis partem priorem, ubi anima priuatur Deo, nec tantum posteriorem ubi corpus priuatur anima; nec solum totam ipsam primam, ubi anima & à Deo & à corpore separata puni-
tur, sed quicquid mortis est, usq; ad
no-

*novissimam, quæ secunda dicitur, & quæ est nulla posterior, comminatio illa complexa est. Si ergo omnes has mortes vna illa mortis sententia complectitur, an-
nè innocua & peccato prorsus nescia, sub ea Virgo comprehendetur? Nunquid animæ mortem, illamvè secundam subiit, aut vt subiret, fore diceretur? Erit forsan, qui eam ex hac parte sententiæ rigorem dicet iustè perpessam? quod si iniustum putat vt vel in animâ Deo priuaretur, aut novissima morte & damni poena afficeretur, quia peccatum, quo tantum mereretur supplicium, in sua persona non habuit, tollat etiam ab innocua hanc alteram supplicij partem, quæ iisdem verbis, eadem sententia? & ob eandem culpam, dabatur in poenam.*

26 Alij alia incedūt via, & mortuā asserunt B. Virginem non propter peccatū, quod actu cōtraxerit,

D 4 nec

Cathar.
trac. 2. de
Conc. l. 2
c. 2.

Suar.in 3
p.tom. 2.
disput. 3.
sect. 5. &
alij.

*An mor-
tua Ma-
ria, quia
debitū ha-
buit con-
trahedi o-
riginale :*

Aug. l. 4.
con. duas
epist. Pe-
lag. c. 4.

nec quod in Adamo commiserit ,
sed quod ex illo debuit haurire, ex
debito , inquit , peccati , seu ex
illo, quod contractura erat , nisi à
Deo præseruaretur , poenam per-
tulit mortis ; sufficiensque inueni-
ri putant fundamentum poene, vbi
non defuit debitum culpæ . Huic
sententiæ adstipulari videtur Au-
gustini doctrina, dum innuit illum,
cui debetur aliquid mali , posse
iustè affligi mali supplicio . Ita e-
nim loquitur de morte Christi ,
quam dignatus est absq; mali me-
rito, vel debito pro hominibus pa-
ti . *Sicut enim solus ideo factus est
hominis filius , ut nos per illum Dei
filij fieremus , ita solus pro nobis su-
scepit sine malis meritis pœnam , ut
nos per illum sine bonis meritis con-
sequeremur gratiam ; Quia sicut no-
bis non debebatur aliquid boni , ita
nec illi aliquid mali .* Quibus ver-
bis inde extollere videtur sanctus
Magister Christi erga nos charita-
tem,

tem, quod cum nec malum habuerit, nec ei aliquid mali deberetur, mortem, quæ mali poena est, pro nobis subierit. Quasi insinuare voluerit sufficientem dici causam mortis, debitum culpæ, quod si in Christo præcessisset, non tam extollenda erat eius erga nos benignitas, qui quam meruit debito mali, non quam pro nobis dignanter assumpsit, passus est mortem.

27 Protulit olim hunc Augustini locum emisso de hoc ipso argumento scripto, non vulgariter erudito, Florentius Conrius, ex Ministro prouinciæ Hiberniæ Ord. Minorum, Tuamen. Archiepiscopus, cuius doctrinam, & in Augustini operibus versandis explanandisque singularem peritiam ego summa in veneratione habui, quæ tamen nec efficaciter hanc confirmare sententiam ipse doctè, & probè agnouit, assignata, vel præmeditata

*Augustin.
nequaquã
huic fauet
sententia.*

ditata alia magis genuina Augustini verborum intelligentia. Longè enim à sancti Doctoris mente, illa recedit expositio, quod vel ipse satis clare sua ratiocinatione demonstrat. Commendat etenim ibi Christi erga homines charitatem, qui quam non debebat mortem tulit, ut quæ non debebatur nobis, vitam conferret. Nihil etenim illius mali, nimirum mortis, Christo, nec aliquid huius boni, puta gratiæ, debebatur nobis. Nec enim Christus habuit mala merita, ut subiret poenam, nec homines bona merita, ut consequerentur gratiam. Clariora sunt ipsius sancti Doctoris verba, quam ut in alium sensum possint torqueri. Solus, inquit, pro nobis suscepit sine malis meritis penam, ut nos per illum sine bonis meritis consequeremur gratiam. Quia sicut nobis non debebatur aliquid boni, ita nec illi aliquid mali. Commendans ergo dilectio-

lectionem suam in eos, quibus erat daturus indebitam vitam, pati pro eis voluit indebitam mortem. Opposuit planè indebitam vitam, gratiæ in nobis indebitæ morti corporis in Christo, quia sicut ad illam nullum erat in nobis debitum, ita & ad istam nullum in Christo præcessit demeritum. Intellexisse autem sanctum Doctorem non pro debito peccati, sed pro ipso peccato contracto mortē deberi planè ibidem expressit, dicens. *Hanc singularem mediatoris prerogatiuam Pelagiani euacuare conantur, ut hoc iam non sit in domino singulare, si Adam ita propter culpam mortem passus est debitam, ut paruuli ex illo nullam trahentes culpam, mortem patiantur indebitam.* Vbi apertè ostendit, quod si paruuli non traherent actu ex Adam culpam, non haberent unde mori deberent.

28. Caret ergo hæc sententia
huius

Ægid. cit.
num. 51.

*Impugna-
tur hac sē
rentia.*

Aug. lib.
de præ-
dest. san-
ct. c. 12.

huius loci patrocínio, si non caret
& ipsa probabilitate. Eam impu-
gnant quidam ex his ipsis, qui Ma-
riam volunt à peccato immunem,
& non immerito dicunt assignari
ab huius sententiæ tutoribus pro
causa mortis, illud quod eius cau-
sa esse non potest. Neque enim
iustè dicetur quispiam puniri pro-
pter illud, quod habiturus, aut
patraturus est, sed propter illud,
quod iam habuerat, aut patraue-
rat, crimen, sicuti neq; bono ope-
ri fiendo, sed facto digna statuitur
retributio. Proinde dum similem
docuisse Massilienses opinionem,
Deum nimirum remunerare bona,
aut punire malà paruulorum ope-
ra, quæ prauidebat facturos, scri-
pserunt Prosper, & Hilarius ad
Augustinum, sanctus Magister to-
tus admirabundus respondit. *Vn-*
de hoc talibus viris in mentem ve-
nerit, nescio, ut futura, quæ non sunt
futura, puniantur, aut honorentur
meri-

*merita paruulorum . Et quibusdam
interiectis . Indicari autem quem-
quam non secundum merita, qua ha-
buit, quamdiu fuit in corpore, sed se-
cundum merita, qua fuerat habitu-
rus, si diutius fuisset in corpore, un-
de opinari potuerint homines, quorum
ingenia non esse contemptibilia ue-
stra indicant litterae, mirans, & stu-
pens reperire non possum, nec credere
auderem, nisi vobis non credere non
auderem . Et alibi . Quanquam hanc
opinionem, qua putantur in morien-
tibus vel mortuis vindicari peccata,
que praesciti sunt facturi esse, si vine-
rent, etiam refellere pudeat, ne vi-
deamur & nos existimasse alicuius
esse momenti, quam maluimus dispu-
tatione cohibere, quam silentio prae-
tere. Et in utroque libro quam ab-
furdus sit error, per multa docet
capitula .*

Aug. lib.
de dono
perseuer.
c. 10.

29 Sed noui rectè responderi
posse magnum esse inter vtràmque
opinionem discrimen; hæc etenim

Obiectio.

pu-

puniendam docet Virginem propter peccatum certo contrahendum ex debito & obligatione, quam in Adamo peccante contraxit; illa verò Semipelagianorum asserebat paruulos, pro suis futuris meritis in ipsa infantili ætate baptizatos, exire de hac vita, & ideo alios non baptizatos in eadem ætate mori, quia & ipsorum præscita sunt merita futura, sed mala. Ad quam stultissimam doctrinā omninò consequi alia absurda docet euidentissimè Augustinus, nimirum gratiam conferri vel negari ex meritis etiam futuris, vel præuisis, & euacuari facilè posse à Pelagianis peccatum originale in infantibus, quorum circa hoc hæresim Massilienses catholica authoritate iam condemnauerant, & demum mira stultitia dici deberi præmia bonis, supplicia malis, quæ fuerat homo, si non moreretur, acturus. At valde aliena sunt hæc ab illa de Virginis

Aug. lib.
de præd.
sanct. ca-
pit. 13.

ginis morte sententia , nam ex ea nihil inferri potest circa gratiam conferendam vel negādam ex meritis , nec peccatum originale negat , imò statuit firmiter in omnibus infantibus , & ipsam Virgine ex singulari Dei priuilegio, & misericordissima præuentione ab hac macula, aliter necessario incurrenda, præseruatam docet, nec de proprijs meritis honorandis , aut actualibus peccatis puniendis quidpiam agit . Tuta ergo & incolumis cēsebitur ab acri, & docta Augustini impugnatione .

30 Profectò quicquid sit de duabus primis absurditatibus , à quibus facile liberari potest hæc opinio , à tertia dubito an longè recedat . Contrahendum etenim erat illud peccatum, propter quod dicunt Virginem morte punitam , nec tamen contraxit, futurum erat, sed non fuisse , admittunt . Loqui autem illos de peccatis actualibus ,

Soluitur .

Indidem
c. 12.

Rom. 14.

Vide Au-
gust. l. 5.
cōtra Iu-
lian. c. 15

bus, hos de originali nihil refert, in vniuerſum etenim & abſolutè abſurdum dicit Auguſtinus, dicere puniri quempiam ob peccata futura. *Nullum, inquit, limitem Apoſtobus fixit, quem tranſgredi non debeat hominis, ut mitius loquar, incanta ſuſpicio. Ait enim: omnes ſtabimus ante tribunal Chriſti, ut referat unusquiſque ſecundùm ea, quæ per corpus geſſit, ſiue bonum, ſiue malum. Geſſit, inquit, non adiunxit, vel geſturus fuit. Sed facile obijcietur Auguſtinum cum Apoſtolo loqui hic de actualibus peccatis, nec eius doctrinam accomodari licere ad originale, quod non geri, ſed trahi; non fieri ſed haberi ſemper docet magna proprietate ſermonis. At locum, & doctrinam Apoſtoli extendit Sanctus Magiſter expreſſè ad originale peccatum. Poſtquam etenim illa verba: *Quæ per corpus geſſit, non aliter intelligi debere niſi ſe-**

cun-

cundum ea, quæ homo gessit eo tempore, quo in corpore fuit, ut per corpus, intelligamus corporis tempus: protinus adiunxit: *Ad quod tempus corporis pertinet etiam quod Pelagiani negant, sed Christi Ecclesia confitetur, originale peccatum quo sine soluto per Dei gratiam, sine per Dei iudicium non soluto, cum moriuntur infantes, aut merito originis transeunt ex malis ad mala.* Limitem ergo Apostoli, qui dixit, *quæ gessit, non quæ gesturus erat in corpore, etiam in infantibus non transgrediendum esse docet, sed credendum propter mala, quæ habebant, non quæ habituri erant, morte mulctari.* Largius & clarius prosequitur Bedæ hanc ipsam explanationem istius loci Apostolici, ut etiam infantes dicantur propter peccatum contractum pœna damni puniri, vel regeneratione saluari, ut verum sit eos iudicari secundum illud, quod gesserunt, vel pos-

Bedæ in
ep. 2. ad
Corinth.
c. 5.

- nota

E

tius

tius habuerunt, non vero secundum illud, quod erant habituri.

Aug. lib.
de dono
perseuer.
c. 10.

31 Ad hæc accedunt alia duo loca Augustini non longè disparia nostro proposito. Primus est in libro iam citato de dono perseuerantiae, ubi ex cuiusdam disputatoris catholici nobis prorsus ignoti, peregrina expositione ad illum locum Lucæ 10. Si in Tyro, & Sidone &c. insert. satis aperteque demonstratur de his peccatis neminem indicari mortuorum, quæ præscitis fuisse futuram, si aliqua modo ei, ne illa fierent, subuenitur. Quibus verbis obuiatur ijs, qui obiecerint Virginem prorsus peccatum hoc contracturam, nisi Dei gratia preueniente misericordissima ab eo liberaretur, & proinde mortem meruisse ob peccatum aliàs certo futurum. Secundus locus est lib. 1. de anima, & eius origine ad Renatum c. 13. ubi pro absurdo inconuenienti insert, quod homo in-

dica-

dicatur secundum eam, qua in illo
 fuerat futura, malitiam, non secun-
 dum eam, qua in illo inuenta est, in-
 nocentiam. Furura erat, fatemur,
 in Virgine malitia, sed secundum
 hanc non debuit plecti, nec ad
 mortem iudicari, sed secundum
 eam, quam actu habebat inno-
 centiam, gratiarum deus cumu-
 lari. Ab his ergo oportet se expe-
 diant difficultatibus (quæ mihi sa-
 nè non adeo leues videntur) illi,
 qui licet Virginem à peccato
 originali defendant, propter
 peccatum tamen, & in
 penam personalem
 peccati mor-
 tem
 incurrisse conca-
 dunt.

Sacratissimam Virginem martem ob-
ysse, non in pœnam proprij, seu per-
sonalis peccati, sed ex condi-
tione mortalis, & de-
stituta natura.

Cap. V.

32



Elatis aliorum opi-
 nionibus, & adie-
 ctis, quæ occurre-
 bant, difficultatibus,

Amb. l. 2.
 in Luc.

nostram, ut statuamus sententiam,
 suppositum pro certo volumus cū
 Diuo Ambrosio, Virginem Dei-
 param non gladio, aut violenter
 occisam, ut quidam falso autuma-
 runt, sed vera, & naturali morte
 defunctam, quantumvis id Colly-
 ridiani negauerint, dum diuinæ
 eam naturæ, & mortis expertem
 falsò docebant; idque ipsum quo-
 ad mortem docuerit Timotheus
 presbyter, & de ea sanctus visus
 sit dubitasse Epiphanius, qui dum

Timoth.
 orat. de
 sacro oc-
 cursu.

ex

ex sacra scriptura eius transitum,
 probare non potuit: dubitandum
 circa eum astruendum, vel negan-
 dum hæsit. Non autem, inquit,
omnino desinit hæc: & non dico quod
immortalis mansit, neque affirmo an-
mortua sit. Excessit enim scriptura
 mentem humanam, sed in suspensa
 reliquit propter vas preciosum, ac
 excellentissimum, ut ne quis ad su-
 spicionem veniat carnaliam id ipsa
 rerum. Attamen Ecclesia Catho-
 lica nullam circa hoc dubitatio-
 nem admittit, quia quam humane,
 non divine, neq; angelicæ, ut qui-
 dam voluerunt hæretici, credidit
 naturæ, subiectam prorsus huma-
 næ non dubitavit mortalitati.

Epiphan.
 hæc. 78.

Vide Ba-
 ron. anno
 48. & D.
 Thom in
 3. di 4. q.
 213. 1. 2.

32. Illinc porro mortalem eua-
 fuisse excellentissimam hanc heroi-
 nam: unde ceteri hominum mor-
 talitatem contraxerint, affirmare
 non dubitanerim, ab ipsa scilicet
 natura, ex contrarijs ad interitum
 ducentibus coaugmentata, & sibi

Maria
 unde mor-
 talis?

MEER

E 3 ipsi

ipsi suæque primigeniæ fragilitati
 propter primi hominis peccatum,
 penitus derelicta. Mortem autem
 ipsam de facto subiisse in penam,
 culpe, quam ipsa habuerit, vel per
 mortem, alicuius peccati, quod
 ad eius pertinuerit personam, pe-
 nas luisse ad modum cæterorum
 hominum, fidenter negauerim; &
 piè affirmauerim eius mortem ra-
 tionem nullam personalis habuif-
 se supplicij. Sententiam hanc mihi
 abunde suadet pietas in Virginem,
 multorum Doctorum grauis con-
 sensus, & non inefficaces rationes.
 Pium ducō in innocentissima Vir-
 gine nullam rationem penæ per-
 sonalis admittere, neq; sub com-
 muni hominum reatu affirmare de-
 functam, ut propter aliquod ma-
 lum, vel peccatum in felicissimo
 transitu tam graui puniretur sup-
 plicio. Diuinum illud plasma,
 deitatis reclinatorium, vitæ the-
 saurum, perfectissimam Dei crea-
 turam

Non ex pe-
 cato peccati

turam morte plexam, supplicio affectam, & vita priuatam in malipenam, timeo, & horreo asserere, quam vel quoquam modo mortuam dicere verentur Sancti Patres ob tantam innocentissime puritatis excellentiam. *Vita thesaurus, gratia abyssus, nescio, inquit Damascenus, quo pacto intrepidis, ac minime tremantibus labris efforram, morte vitam auferente obregitur, quaque eius euersorem pepererat ad eam, enatus omnis expertem, accedet, si tamen sanctissimum, ac vitalum ipsius somnum mortem appellare fas est. Nam quæ veram vitam tantis proculis, qui tandem mortem degustare, aut ei obnoxia esse queat? Verum filij sui legi omnino obsequitur. Atque ut quidem veteris Adami filia veteres penas subit, nec mirum, cum ipsius quaq; filius, qui ipsamet vita est, eam non recusarit. Veteres, inquit, Adæ poenas, non novas, aut proprias sustinuit, quæ*

Damasc.
orat. 2. de
dormit.
B. Mariæ

E 4 non

Damasc.
paulo in-
ferius.

non habuit unde proprias mere-
retur. Id vel ipsos protoplastos
parentes agnouisse, & sua in virgi-
neo hoc somno intimasse loquela,
idem Damascenus his verbis re-
præsentat. *Tum Adamus, & Eva*
nostri generis anthares, exultantibus
labijs altè exclamarunt: Beata tu fi-
liarum violati mandati pœnas nobis
sustulisti. Tu mortali corpore à no-
bis accepto immortalitatis indumen-
tum nobis reperisti. Tu cum à lum-
bis nostris ortum accepisses, boati-
tinem nobis rependisti, dolores de-
leuisti, mortis fascias perfregisti &c.
Quonam autem modo o immacula-
ta, morti obnoxia efficeris, tu, inquam
vita pans, & cœli scala! Et ne quis
vel leuiter cogitare posset, eum
iudicasse ob aliquod ipsius Virgi-
nis peccatum eam obiisse, inferius
ipsam introducit suam animam
sanctam, inquit, puram, & labijs
expertem in filij manus commendan-
tem, his verbis, *Animum meam*

tibi

*tibi charam. accipe, quam à peccati
tate puram seruasti. Et paulo infe-
rius ex translatione Metaphrastis
ait, animam Virginis fuisse sanctis-
simam, & nulli culpa affinem. Dum
ergo sanctus, & pius hic Doctor
nullam inuenit mortis causam in
Virgine; eius tranfitum veluti tre-
mens, & stupens mortem appellat,
& nescire videtur quonam modo
morti fuerit obnoxia. Epiphanius
etiam supra citatus, timet, ac hor-
ret mortuam dicere. Ideoq; iudi-
cat Euangelistas de eius obitu ni-
hil dixisse, & in suspenso reliquis-
se propter vas preciosum, & ex-
cellentissimum, ne nihil vile, aut
indecorum de ipso suspicaremur.*

34 Quid igitur? quam illi vel
mortem subiisse dicere verentur,
& vt ipsum fugiant vel mortis no-
men, dormitionem eius decessum
appellant, egone supremam om-
nium creaturarum, humanæ natu-
ræ Reginam, generis nostri decus,

totius

totius diuinæ Trinitatis comple-
 mentum, vitæ matrem, non solum
 mortuam asseram, sed & in delicti
 sui poenam ipsius mortis tulisse,
 supplicium? Annè ita facile licet
 quam alij sanctissimi viri ab ipso
 communi exitu generis nostri ve-
 luti vindicare vellent, si possent,
 etiam sub nostri dedecore suppli-
 cij comprehendere, & affirmare
 sub peccati vindicta è vita excessis-
 se, quam Deus per omnem vitam
 à peccato seruauit immunem? Itanè,
 quæ ipsam peperit vitam, in
 extremo vitæ halitu dicemus verè
 poenas sui quoquo modo commis-
 si, vel admissi luisse peccati? *Nihil*

Cyprian.
 citat.

in hac repetebat ultio. (liceat Cy-
 priani ad hunc sensum verbis uti)
nec sustinebat iustitia, ut illud vas
electionis communibus lassaretur in-
iurijs, quoniam plurimum à cæteris
differens, natura communicabat non
culpa. Mysteriorum Virginis dor-
 mitionem *supermundanam* seu cæ-
 teris

teris mundanis, aut humanis mor-
tibus superiorem, aut excellentio-
rem vocavit Andreas Cretensis,
quasi nihil mundanae miseriae, aut
iustae vitionis in ea vellet concipe-
re; & nos summam fuisse affirmabi-
mus miseriam, proprii videlicet
peccati vindictam? Suadeat quae-
so pietas & digna tantae Virginis
reuerentia, non tam propriae ipsius
culpa, quam propriae conditioni
naturae mysterosam hanc adscri-
bere dormitionem.

Andreas
Cretensis
ser. 2. de
dormitio-
ne B. Vir-
gin. c. 10.

35 Placet grauiorum ira sentie-
tium subiungere testimonia, ne so-
li pietati absq; vltiori videamur
inniti fundamento Augustinus, vel
qui author est tractatus de Assum-
ptione Virginis in appendice tomi
9. (quem clarissimum Theologum
esse nō veretur afferere Baronius.)
*Memores (inquit cap. 2.) conditio-
nis humanae mortem illam subijisse
temporalem dicere non metumimus,
quam idem certè eius filius, qui &
Deus*

Probat
sanctorū
authorita-
tibus.

Baronius
cit.

August.

Deus & homo est, lege fortis humane sustinuit. . . Vbi conditioni humane naturæ æquè Christi, ac matris mortem adscribit. Et c. 4. postquam à diuersis poenis, & sententijs generalibus illatis propter peccatum, eam immunem omnino docuit, addidit, *Quid ergo si in tanta diuersitate eam dicimus humane fortis mortem subiisse, nec tamen eius vinculis (corruptione scilicet & incineratione.) retineri: 3 per quam Deus voluit nasci & carnis substantiam communicare, nunquid impium erit?* Damascen. orat. 1. de B. M. dormitione. . . O quoniam pacto fons vite ad vitam interiecta morte migrat? O quemadmodum ea, quæ in partu nature leges excesserat, nunc ipsius legibus subest, atque immaculatam corpus morti subicitur! Oportebat enim illud exuta mortalitate incorruptionem induere, presertim necum ipse quidē natura dominus mortis periculum facere recusarit. Vbi non

non alijs, sed naturæ legibus eius
 mortem tribuit, & causas tran-
 situs assignat, ut pro mortalitate
 immortalitatem indueret, & quam
 Christus sensit, mortem subiret.
 Egregia & plura habet in hunc sen-
 sum Virgineæ mortis encomia,
 duabus orationibus de Beatæ Vir-
 ginis dormitione. Andreas Cre-
 tensis ser. 1. de dormitione sanctif-
 simæ Mariæ c. 2. apud Surium ad
 15. Augusti. *Natura serviens le-
 gibus vite finem accepit, & serm. 2.
 c. 3. Quod usq; ad nostram quidem
 processerit mensuram, quæ fuit habi-
 ta in tanta admiratione, & commu-
 ne exolverit debitum, est proprium
 nature.*

Andreas
 Cretens.

36. Guericus Abbas, Bernardi
 discipulus ser. 2. de Assumptione,
 non longè ab initio, angelicas vir-
 tutes repræsentat sacratissimam
 Virginem in lecto discumbentem,
 ut ex hac vita ad meliorem glo-
 riosa transiret, visitasse, admirataf-
 que

Gueric.

que quomodo sancta, quæ solebat,
 non viscebat sui Filij vestigia, inter-
 rogasse cur ab his modo vacaret,
 & ex toto decuberet? Quibus illa:
Languet, inquit. Pape languet? lan-
guor enim, quem locum in corpore tuo
reperit, in quo salus mundi tamdiu
habitanis? De corpore illius Filij tui
virtus exibat, & sanabat omnes, adeo
ut etiã simbria vestimenti Aemoneif-
sam sanaret, & tu, quæ tamdiu ipsam
in utero, in sinu in gremio cõtinuisti,
quomodo postea ulli infirmitati, aut
languori, vel accessibilis esse potuisti?
Non est, inquit, illa, quod id mirami-
ni, si illud ipsum corpus filij mei qua-
le aliquando fuerit, recordamini. Et
ipsum enim quam infirmum, quan-
tisue defectibus subditum fuerit, vo-
luntate tamen, ego navi, quæ ipsum
in utero alui, uberibus lactavi, sinu
favi, nec solius infantia, sed & se-
quentium defectus atatum vido, &
eis ut potui, ministraui: ad excremum
non sine passione mea, ludibria, &
 sup-

*supplicia passionis, & crucis aspectu;
 per singula discens, quàm vero de eo
 noster Isaias dixerit. Venè languo-
 res nostros ipse tulit; & dolores na-
 stros ipse portavit. Cur ergo ego do-
 leam non eam meo dedisse corpori,
 quod suum non dedit? Non sum ita
 delicata, aut superba, ut quod ille
 dignatus est pati, ego quamulacrumq;
 ex parte pati non possim, aut nolim,
 & ille quidem misericordie volunta-
 te, ego autem naturali necessitate.
 Quo discursu ostendit planè Chri-
 sti & matris mortalitatem & pati-
 bilitatem à naturæ cōditione pro-
 venire, licet Christus sponte has
 admiserit poenalitates, Virgo ta-
 men ex naturæ propria necessita-
 te. Similiter vtramque inter se
 comparat mortē Bernardinus Se-
 nensis tom. 3. ser. 1 r. de Assumptio-
 ne B. Virginis a. 3. c. 1. A generali,
 inquit, sententia mortis Christus Dei
 filius non exemit matrem, quia ab il-
 lo nullus, nec ipse voluit esse alienum.*

Isai. 53.

Bernard.
Senen.

ac per hoc mortuus est filius, mortua
 est & mater. Alia habet, quæ ad
 hanc conducant sententiam tom.
 1. serm. 52. art. 1. cap. 1. & tom. 2.
 serm. 51. art. 3. cap. 2. Amadeus
 Lustanus Congregationis Ama-
 B. Amad. deorum Fundator, in libro reuela-
 tionum, raptu 4. ait. *Nihil mirum,*
si culpa non inhaerente B. Virgini,
mors & passio ei inhaerit, quia in ea
conditiones sunt naturæ. Et raptu
8. dicit eam soluisse commune debitum
naturæ, & quod mortem non merue-
rit ab omni peccato immunis. Ange-
 Angelus de Pas in expositione in Sym-
 bolus del Pas. bolum lib. 5. c. 22. *Prætereunda, ait,*
mihî haud videtur questio, an mors
quæ in alijs à peccato accidit, fuerit
in Maria peccati pœna. Siquidem
Gaiet. in opusc. de conceptu Virg: ad
Leonæ X. dicit nob peccatum mortuam
Mariam, & contra sentire hæreticū
putat: cum Paulus arguat, Christus
pro nobis mortuus est, ergo omnes
mortui sunt. Albertus Rigbius, &
 Am-

*Ambros. Cathar. ab hæresi excusant ;
dicere non propter peccatum mortuâ
Virginem, immò volunt pium esse sic
sentire, nec mortem, nec aliquam ori-
ginalis peccati pœnalitatem, à pecca-
to provenisse Virgini, sed à volunta-
te Dei, qui sicut à peccato præservavit
mundam, à peccati pœnis liberam cu-
stodisset ; nisi eam conformari Filio
vidisset conducere. Nec id Christum
Mariæ liberatorem negat, & pro ea
mortuum ; quin ceteris perfectius li-
beratam indicat, sicut & redemptam.
Et paulò superius iam dixerat. Et
moritura erat, minime tamen ob pec-
catum contractum, sed ut Filio con-
formaretur. Hanc nostram sen-
tentiam docent etiam apertè Ger-
son serm. de Conceptione ante
finem. Petrus Galatin. lib. 7. de
arcanis cap. 10. & largè 4. par.
de vera Theologia lib. 2. tract.
2. cap. 6. cuius viri doctissimi hoc
opus cum alijs plerisque eiusdem
elucubrationibus, opportuno tem-*

F

pore

pore prodituris in lucē , penes me sunt manuscripta. Gutierus à Trejo vir doctus in comment. ad Epist. Pauli, quæ ante centū annos emisit in lucem in c. 5. ad Rom. sect. 17. & 27. Viguer. in instit. c. 18. §. 5. vers. 2. Petrus Canisius lib. 5. de Deipara c. 2. Michael Glycas , qui ante quingentos annos doctè scripsit Græcè 3. par. suorum Annal. Constantius Sarnanus in adnotationibus marginalibus ad Antoniū Andream in 3. d. 3. q. vnica ad vltimum argum. Baron. citatus. Ioan. à Carthag. to. 3. hom. lib. 13. ho. 1. & Io. Baptista de Lezana lib. apolog. pro immaculatā Mariæ Conceptione c. 36. ad 4. argumentum .

*Probat
ex Bulla
Pij V. &
Gregor.
XIII.*

37 His accedit supra citata Bulla illa Pij V. & Gregorij XIII. in qua condemnatur hæc propositio, in ordine earum, quæ referuntur in diplomate , 70. *Nemo prater Christum est absq; peccato originali ; hinc B. Virgo mortua est propter pec-*

ca-

zatum ex Adam contractum, omnesq;
 eius afflictiones in hac vita, sicut &
 aliorum iustorum, fuerunt ultiones
 peccati actualis, vel originalis. Ego
 etenim aliqua censura ex ijs, quas
 adhibent Pontifices in fine Bullæ
 propositionem hanc notari planè
 iudico, meamque sincerè fateor in-
 scitiam, vel ingenij tenuitatem, qui
 hucusque varias multorum huius
 propositionis explicationes, qui-
 bus eam ab omni Pontificia cen-
 sura liberare conantur, sufficienter
 intelligere non potui, dum con-
 demnationi Pontificum iuxta ver-
 borum proprietatem sufficienter
 satisfactum perspicuè nō viderim.
 Omnes, quos consului, referre, &
 refellere nimis esset operosum &
 molestum; clariora sunt ipsa ver-
 ba & Baij illatio ex prima illa pro-
 positionis parte. Nemo prater
 Christum est absq; peccato originali,
 quā vt expositionē aut tergiversa-
 tionem admittant. Proposuit pro

fundamento prima illa verba ; ex
 eis ita deduxit . Hinc *Virgo mor-
 tua est propter peccatum ex Adam
 contractum, omnesque eius afflictio-
 nes in hac vita sicut & aliorum iu-
 storū fuerunt ultiones peccati actua-
 lis, vel originalis* . Pontifices hanc
 cum cæteris propositionibus in
 bulla recensitis , hæreticas, erro-
 neas , suspectas , temerarias scan-
 dalosas , & in pias aures offensio-
 nem immitentēs , respectiue dixe-
 runt & condemnarunt . Qui ergo
 planè & pertinaciter dixerit *Bea-
 tam Virginem mortuam propter pec-
 catum ex Adam contractum*, aliquā,
 etiamsi minimā , ex assignatis me-
 reri videbitur censuram . Quod
 enim quidam dicunt , totam con-
 demnari propositionem , propter
 illa verba *Ultiones peccati actualis
 vel originalis* , quibus visus est
 Baius innuere in B. Virgine actua-
 le fuisse peccatum, verosimile non
 est . Etenim Doctor hic, aliàs pius
 &

& doctus, etsi in his propositionibus desipuerit, in Louaniensi Academia, & in Concilio Tridentino, ad quod à Catholico Rege, fuerat missus, vidit constanter, & absq; vlla dubitatione B. Virginem semper ab actuali peccato defendi, nec in eius operibus quidquam reperitur, quo vel leuiter iudicetur eum putasse Virginem actualiter peccasse; præterquam quod illam disiunctiuam *actualis, vel originalis* adhibuisse propter alios sanctos, de quorum etiam afflictionibus in anteriori parte propositionis locutus est, facile, & benigne iudicare liceat, & ad eius concludendum intentum, quod ex illis verbis *Maria mortua est propter peccatum ex Adam contractum*, clarè cōstabat, sufficeret vltima disiunctiuę pars scilicet *originalis*. Adde insuper Baiū semper cōstantissime negasse se aliquando huiusmodi docuisse, vel scripsisse propositionem,

38 Deinde si durum hunc, quē aliqui volunt, sensum admittamus posterioris partis propositionis, quid afferri poterit, per quod saluetur illa prior pars, qua clarè asseritur Mariam mortuam propter peccatum originale, quæ etiam non minus, quam altera pars condemnatur? Nihil planè, nisi velis dicere ideo Pontifices eam condemnasse, quia supponit, seu affirmat mortem, vel afflictiones inferri solum ad culpæ vindictam, vel propter peccatum, cum sacra Scriptura Tob. 2. & alibi sæpe doceat aliquando, & frequenter has infligi, ut posteris detur exemplum patientiæ; ut ipsi etiam sancti, & iusti viri, qui eas patiuntur, in virtute exerceantur, & meritorum fortiantur augmentum. Quod etiam clarius docuit Aug. epist. 28. tract. de Urbis excidio c. 4. lib. 6. contra Iulian. c. 9. lib. 13. de ciuit. per varia cap. & lib. 14. c. 3. At hæc ipsa

ipsa solutio , quam quidam pluris faciunt , & largius prosequuntur , nostrum confirmat intentum , dum aliam à peccato assignat causam mortis Deiparæ , & consequenter admittat condemnatum à Pontificibus , qui asseruerit Mariam mortuam propter peccatum; quicquid attinet ad alteram partem propositionis , circa quam modo nolim immorari . Hæc etenim assertio de Mariæ morte propter peccatum ex Adam contractum , nihil planè dependet ex sequentibus verbis , & absq; earum connectione suum integrum conficiunt sensum , quem tamen reiiciunt Pontifices , & aliam apertè insinuant assignandam esse causam illius felicissimi transitus præter peccatum originale . Nequaquam autem hic agimus de primis illis verbis : *Nemo præter Christum est absque peccato originali* : neq; enim contendimus ea sub illa censurarum varietate cō-

prehendi, aut opinionem asserentem B. Virginem sub originali peccato fuisse conceptam ab utero. que illo Pontifice fuisse aliquatenus condemnatam, dum alij posteriores Pontifices eam voluerunt à censuris immunem. Eò duntaxat noster tendit ratiocinatio, ut ex placido illo sopore Virgineo, seu breuissimi temporis, minimeque poenosa separatione animæ foelicissimæ à corpore sacratissimo, ostendatur imbellem deduci sequelam ad peccati originalis contractionem, aut debitum.

*Ex sensu
etiam Ecclesia.*

39 Tandem huius quodammodo sensus esse videtur Ecclesia, dū in oratione vigilię Assumptionis B. Marię his utitur verbis *Et si ex conditione carnis migrasse cognoscimus*, ex qua eadem depromptisse videntur Vsuardus, & Ado in suis Martyrologijs ad 17. Kal. Septemb. & ad 6. Idus eiusdem; ita enim habent. *Pia mater Ecclesia,*
que

*quæ suis observationibus integerrima
 fide fundata consistit, eius (scilicet
 Virginis) Venerabilem memoriam
 sic festinam agit, ut pro conditione
 carnis eam migrasse non dubitet,
 quasi planè significari videatur
 Ecclesiam intelligere Virginem,
 obijisse ex conditione carnis mor-
 talis, ex contrarijs qualitatibus
 coagulatae. Noui tamen à quibus-
 dam responderi, sumi ibi iuxta vsti-
 tatam sacrae Scripturae phrasim,
 carnem pro homine, aut humana
 natura, ut est illud Genes. 6. *Om-
 nis caro corruperat viam suam. 3.
 Reg. 2. Ingredior viam uniuersa
 carnis, & Psal. 64. Ad te omnis ca-
 ro veniet. Neq; aliud significare,
 in illa oratione, aut martyrolo-
 gijs, quam conditionem vniuersa-
 lem omnium hominum post præ-
 uaricationem Adæ esse in mortem
 ire. Nec ego id iuerim inficias,
 idq; ipsum dictum velim, ut ea sit
 conditio hominum humanæ uè na-
 turæ**

Lege Ful-
 gen. de
 incarnat.
 Christi
 c. 9.

turæ post Adæ lapsum; quo meruit immortalitatis dono omnem priuari naturam, vt nullus sit Adæ filius, qui mortem possit euadere, etsi aliquis esset, qui nullum haberet peccatum, propter quod mereretur occidi. Atq; hinc repetijse mortem in Virgine sui trophæi vniuersalis exuuias, quia cum vicit, à quo vniuersa hominū erat haurienda natura. Pœnalitate ergo carnis humanæ Virgo subiuit, non proprij luit poenas peccati.

*Confirmatur ratio-
nibus.*

Orig. ho.
14. in c.
25. Leuit.

40 Rationabilem etiam hanc esse sententiam ex eo probatur, quod *mors, quæ pœna causa infertur,* vt habet Origenes *sit purgatio peccati ipsius, pro quo iubetur inferri,* & pœna dicatur à pendendo, quia supplicium illud pro delicto penditur, vt docet Vlpian. l. 5. q. 5. quis de poen. & noxæ est vindicta, vt idem habet l. 131. & 244. de verb. sign. At Virginem per mortem purgasse, aut soluisse peccatum

tum, vel in obitu pro delicto pendisse supplicium, aut vindictam subiisse aliquanto durum videtur in auditu. Non ergo dicenda est pertulisse mortem, quæ poena sit dicenda peccati, sed fragilitatē, & pēnalitatem ipsius sensisse naturæ.

41 Deinde leuissima fuit hæc Virginis mors, ad modum soporis immissi in Adā vt docet And. Greta. or. 3. de dor. Vir. Ger. Constātinopa. or. 1. de ead. Theod. Abucaras opu. 37. & alij Græci PP. & B. Birgida lib. 4. reuelat. c. 23. & orat. 1. absq; omni prorsus dolore, vt habent Lauren. Iustinian. serm. de assumpt. Albertus Mag. lib. de laud. Virg. c. 171. Hugo de sancto Victore in miscellaneis eruditionibus, lib. 2. tit. 125. nec ex vlla infirmitate, sed ex intenso desiderio fruendi filij, & ardentissimo incundē amore prouenit. Ita Gueric. & Albertus citati. Imò iubente domino in ipsa Dei contempla-

pla-

platione, & summa exultatione transiit ex hac vita, ut ipsa sacratissima Virgo his verbis ad B. Brigittam lib. 6. c. 62. testatur:

Cum quadam die animus meus suspensus esset in admiratione diuinæ charitatis; tunc anima mea in ipsa contemplatione repleta fuit tanta exultatione, quod vix se capere poterat, & in ipsa consideratione anima mea à corpore fuit soluta. Quod

& Petrus Paludanus serm. 2. de Assumpt. largius prosequitur. Ipse ergo dulcis, placidus, ac summè desiderabilis hic occumbendi modus facilè suadebit mortem hanc non peccati fuisse vindictam, nec criminis supplicium, sed potius iustitiam, & iustam tantorum meritorum retributionem. Mariæ summè grata, bona, & suauissima facta est mors, atque *vita præstantior*, ut ait Damascenus *utramque hanc incomparabiliter antecellens*, quæ mali quidpiam in illa vlllo

cru-

Damas.
orat. 2. de
dormit.
B. Virg.

cruciatu vindicare non audet. Sed in alijs mortis magna est, vt ait Aug. multumq; dura molestia, & habet asperum sensum, vt idem alibi ait, & contra naturam vis ipsa, qua vtrumq; diuellitur, quod fuerat in viuente coniunctum, atq; conser-
tum, quamdiu moratur: donec omnis adimatur sensus, qui ex ipsa inerat anima carnisq; complexu. In ceteris ergo pena est mors, in Maria nihil repetebat ultio, nec habuit quod vindicaret dira mortis acerbitas.

Aug. de
peccato
merit. l. 2.
c. 34.

42 Tandem poena per iram generatur, vt habet Ambros. ira autem nascitur ex peccato, quæ poenam infligit, non vt ignoscat, sed vt vindicet; sed erga sacratissimam Virgine Deum horremus dicere aliquando iratum, aut eam aliquid habuisse, per quod iram Dei mereretur in vita, ergo nec illud quod prouenit ex ira supplicium sentire debuit in morte, in qua

Ambros.
in c. 4. ad
Rom.

ni-

nihil erat, vel quod Deus igno-
sceret, vel quod poena vindicaret.

*Ratio-
nes propter
quas san-
ctissima
Virgo ob-
iit,*

43. Si autem quispiam dubita-
uerit, quare quæ mortem non me-
ruerat, mortem subiuit, & com-
munem nobiscum sortita est exi-
tum, quæ commune nobiscum
non habuit demeritum? claras, &
faciles accipiat rationes. Primam
ut Collyridianorum, de quibus
suprà, & aliorum quorum memi-
nit S. Tho. in 3. d. 4. qui ex diuer-
sis capitibus eam dicebant im-
mortalem, hæresis destrueretur,
& quam mori videbant, eiusdem
cum nostra crederent naturæ. Se-
cundam, quam aliqui ex supra ci-
tatis Doctoribus assignarunt, ut
suo filio assimilaretur, nec potior
videretur mortis immunitate, quæ
longe inferior erat fragilitate na-
turæ. Tertiam, ne careret mortis
merito, eiusque augeretur merces
in coelis, cui nec ultimum mortis
meritum defuit in terris, nostram-
que

que paupertatem suis diuitijs subleuaret, reponendo in Ecclesiæ ærario tot ingentes suorum meritorum ex perpeffis poenalitatibus thesauros. Tum demùm alteram, vt per mortem finem daret huius vitæ ærumnis, namque *ex hoc loco excessus*, vt inquit Chrysost. *liberatio est ab omnibus malis, & securæ requies*. Alibi, *Migratio est domicilij, transitio à deterioribus ad meliora, à terra ad cælum, ab hominibus ad Angelos, & Archangelos, atq; adeò ad ipsum Archangelorum dominum*. Mariæ suam mortem veram fuisse requiem ex illis eius verbis *In omnibus requiem quasiui*, agnoscit Guerricus Abbas, dum *in omnibus*, inquit, *suis actionibus requiem quasiuit, sed in decessu demùm inuenit, cum post persecutionem Herodis, & fugam Aegypti, post tot insidias, & atrocitates Iudaica impietatis, post tot passiones suas de passione, & morte filij, postquam tot, &*
tam

Chrysost.
in ps. 114.

Idem ho.
ad viduam
iuniorem

Guerric.
ser. 3. de
Assumpt.

Psal. 114.

Damasce,
orat.

*tam acerbi ipsius animam pertransie-
runt gladij, tandem ei dicere datum
est: Conuertere anima mea in re-
quiem tuam, quia Dominus benefe-
cit tibi. Aliud etiam summum ei
emolumentum attulit, ut eius po-
tiretur præsens aspectu, cuius ar-
denti absens flagrabat desiderio.
Hinc pia illa Damasceni exclama-
tio. O praeclarissimum excessum, qui
hoc tibi affert, ut cum Deo præsens
sis. Nam cum omnibus quoque alijs
numine diuino afflatis Dei famulis,
istud diuino munere concessum sit,
at infinitum tamen Dei seruorum,
ac matris discrimen est. Vtiq; ma-
gnum discrimen; illi tanquam fa-
muli subtus scabellum pedum Do-
mini situlas infinitæ hauriunt glo-
riæ, oppressi à tanta magnitudinis
claritate, hæc velut vniuersi regi-
na astat à dextris Dei in vestitu de-
aurato, circumdata varietate, &
indivisum, ut citatus habet Guer-
ricus, cum filio habet orbis impe-
rium*

*rium, quæ indiuisum cum eo in carne
una, & spiritu uno habuit pietatis,
& unitatis mysterium, dum scilicet
saluo honore natura, geminato mu-
nere gratia iuncta est mater in ma-
trimonium.*

Hæc sunt, quæ in huius senten-
tiæ confirmationem modo occur-
runt, potiores posse ab alijs adduci
rationes non dubito, meæ si non
conuincant, saltem piè suadebunt:
& si contentiolarum non suffecerint:
dissertationi, non ignaræ nec præ-
sumptuosæ forsan sufficienti pieta-
ti. Neruosiores autem iudi-
cabuntur eneruatis con-

trarijs, quæ su-

perius c. 3.

effor-

mauimus ar-

gumen-

tis,

G

Di-

Diluuntur contraria difficultates.
Cap. VI.

44 **M**olestiores nullæ contrā
 nostram hāc sentētiā,
 se mihi obtulerūt obie-
 ctiones, ijs, quas supra
 congeffi pro illorum opinione,
 qui sanctissimam Virginem in
 peccato volunt conceptam, &
 propterea supplicio mortis affe-
 ctam. Neque hæ ipsæ adeo effica-
 citer hoc probant, vt facilem non
 habeant solutionem. Etenim li-
 cet primum argumentum efficax
 sit ad probandum ibi dari vel præ-
 cessisse culpam; vbi apparet & pē-
 na, eaque consequentia partem
 sumpsit poenæ, ergo habet & cul-
 pæ, ex relatione & proportionē
 quam habet poena ad culpam, le-
 gitima sit; & manifesta poena satis
 euidenter ostendat latentem cul-
 pam, vt aiunt Augustinus & Pro-
 sper

*Ad 1. ar-
 gumentū.*

sper, attamen id intelligendum est
 de poenâ propriè dicta, quæ sup-
 plicium est, vel peccati vindicta, ut
 loquuntur Iurisperiti, & docet D.
 Thomas 1. 2. q. 98. ar. 7. in corp.
 inter hanc enim & culpam, neces-
 sariam admittimus proportionem,
 proindeque validam illam esse di-
 cimus consequentiam, infligitur
 alicui poena, seu supplicium, ergo
 habuit culpam, nam huiusmodi
 poena alicuius mali supplicium
 est, & poena, quæ est vindicta, ali-
 cuius peccati ultio est, ideoq; opti-
 mè dixit Prosper, quod societas
 peccati conuincitur de commu-
 nione supplicij, quia ex illa rela-
 tione morali seu proportionè, quæ
 recta constituit iustitia inter poe-
 nam & culpam, rectè deducitur ad
 posteriorem, quod ubi illa adest, hæc
 aliquando præcessit. At id primū
 est, quod nos negamus, Virginis
 mortem poenam fuisse seu suppli-
 cium, sed penalitatem & cōditionem

nem asserimus destitutæ naturæ.
Hæc vero nullam personalem præ-
supponit culpam, ac proinde infer-
ri non potest nec probari, a poste-
riori aliquando in Virgine extitisse
peccatum. Illud ergo prius probā-
dum erat, quod ad hoc aliud pro-
bandum assumitur, & tanquam
certum supponitur, quo admissio,
optime inferretur consequentia.

Obiectio.

45 Sed instabis, Augustinum,
suoſque discipulos illud pro certo
supponere, ut mors, propriè poe-
na sit & supplicium pro peccato il-
latum, & ex hac indubitata suppo-
sitione confidenter & efficaciter
contra Pelagianos eum argumen-
tari, probareque in omnibus homi-
nibus dari peccatum originale, vel
cum eo nasci; propter quod etiam si
aliud non perpetrassent, mortem
meruissent. Vniuersale ergo & ef-
ficax his Doctoribus illud est ar-
gumentum: Parvuli moriuntur,
ergo habuerunt peccatum, quia

cum

cum

cum

cū omnino & cōstanter supponant
mortem in omnibus esse poenam
& supplicium proprii, vel contra-
cti peccati; etiam in paruulis in-
quibus commissionis esse non po-
tuit, peccatum fuisse saltem infe-
rent originis, ita vt nemo in eorū
sententia subeat mortis supplicium
qui antea non habuit mali demer-
itū, Cum ergo & quod mors B. Vir-
ginem, ac alios homines in uas ferit:
& illa passa sit, quod in ceteris ho-
minibus id est peccati supplicium, ut
optime inferri videtur, quā ei sēdem
originalē praxisse reatumq. Nequid
enim prae dicti sancti Patres eam
ab vniuersali illa regula exemta
fuit, quorum argumentum in vni-
uerso hominum genere eandem
habet efficaciam. *Amphig.*

46. Ego, vt verum fatear, eam
ipsā intelligo esse ijs in locis huius
Patrum sententiā, licet alijs in locis
etiam doceant fideles, praeipue
iustos & Martyres, mori non in

*Soluitur
obiectio.*

supplicium peccati, sed vel in testimonium fidei, vel ob exercendam patientiam, aut ad augendum iustitiæ meritum, seu ad examen virtutis, vel deniq; propter Fidei fortitudinē, nè si remissis in baptismo peccatis, statim fierent fideles immortales, iudicaretur infideles, nō ob aliud foelices esse Christianos, nisi quod mori omnino non possent, & sic propter remouendam mortis molestiam plasticius crederetur in Christum. Has rationes, hisq; similes assignat August. lib. 2. de peccat. merit. cap. 31. 33. & 34. & lib. 13. de ciuit. cap. 3. 4. 6. & 7. lib. 14. c. 3. epist. 28. tract. de vrbis excidio cap. 4. atque alibi sæpius.

47 Quidquid autem sit, siue putent mortem non semper inferri propter peccatum, siue indicent semper esse culpæ supplicium, quantumcunque aliæ interveniant rationes, ut inquit Augustinus lib.

lib. 13. de ciuit. cap. 6. dicens
in morte præfideliterque tolerata au-
geri meritum patientie, non tamen
auferri vocabulum pœna, & largius
 docet lib. 2. de Baptismo paruul.
 c. 34. & lib. de Trinit. c. 6. quod &
 ego probabilius inferri ex eius
 doctrina existimem: quidquid (in-
 quam) in hac re dicatur, illud ego
 audeam asserere locis illis adeo
 clavis & vniuersalibus, quibus
 absque dubio asseritur mortem
 actuale peccati esse supplicium,
 non voluisse sanctos illos Patres
 sanctissimam Virginem compre-
 hendere.

48. Non inane nec leue huius
 assertionis fundamētum est, quod
 sub cæteris peccati supplicijs, &
 sententijs illatis propter peccatū,
 (quarū regulas æquæ vniuersales,
 atque has eademq; firmitate cre-
 dendas constanter affirmant) eam
 nequaquam includant. Egregius
 est ille apud Augustinum locus

*B. Virgo
 excipien-
 da à regn
 lis vniuer
 salibus
 peccati.*

lib. 2. de pecc. merit. c. 23. Sic enim,
 inquit, ab eis translatam fecit in po-
 steris ista lex (scilicet peccati)
 initium mortis, quemadmodum labor,
 quo cuncti homines laborant in terra
 quemadmodum in feminis parturi-
 tio cum doloribus. Hac enim cum de
 peccato arguerentur, Dei sententia
 meruerunt, quæ non in eis solis, sed
 etiam in successoribus eorum, in alijs
 magis, in alijs minus, tamen in om-
 nibus videmus impleri. Vbi duo
 expresse docet primum legem pec-
 cati eodẽ modo intulisse mortem
 & labores, ac parturitionem cum
 doloribus. Secundum legem hæc
 in omnibus impleri, à qua nec
 Virginem Mariam sanctus Doctor
 exemit. Et c. 33. ait, nullum refu-
 tere illis, verbis diuini libri, quæ po-
 suit de labore hominum, & de par-
 turitione mulieris cum dolore, nisi
 qui prorsus alienus à Fide catholica
 eiusdem litteris aduersatur. Et lib.
 2. de peccat. origin. contra Pela-
 gium

gium & Cælestium c. 36. ait se non
*inuenire sine dolore & gemitu partu-
 rientem, nec sine futura morte na-
 scentem, & tamen secundum scriptu-
 ratum sanctarum, inquit, veritatem
 gemitus parturientis, & mors homi-
 nis non fuissent, si peccatum non
 precessisset.* Vniuersaliter ait hisce
 in locis omnes foeminas cum do-
 lore parturire, & nullam se inueni-
 re absq; huiusmodi dolorosa par-
 turitione, & qui poenam hanc vni-
 uersalem negaret, alienum esse à
 fide, & fidei litteris aduersari, nec
 tamen sanctum Doctorem sub vni-
 uersalissima hac & rigorosa for-
 mula loquendi comprehendisse,
 B. Virginem vllius sanæ mentis af-
 firmabit. Cui ergo ab illa aliam
 quā docet omnes mori in peccati
 vindictam, ab eodem Doctore non
 intelligatur exempta? Bene au-
 thor Illius tractatus de Assumpt.
 apud August. c. 4. postquam osten-
 dit Virgines hanc à generalibus

poë-

poenarum sententijs prolatis in-
 Euam excipiendam esse, subiunxit.
 Non immerito ergo excipitur à qui-
 busdam generalibus vera aestimatio-
 ne, quam tanta seruat gratia & at-
 tollit dignitatis prerogatiua. Quan-
 tū enim Christi potestas possit, magni-
 di ostendat vniuersitas, quātum gra-
 tie, Maria monstrat integritas, qua
 sicut diuersa est à natura, ita diuersa
 est ab usu. Quid ergo si tanta diuersi-
 tate eam dicimus humanae sortis mor-
 tem subisse, nec tamen eius vinculis
 retinari per quam Deus voluit nasci,
 & carnis substantiam communicare,
 nam quid impiū erit? Profecto im-
 pium non erit asserere, eam natu-
 ra soluisse debitum, non peccato
 stipendium, & dicere quod licet
 cum coeteris obierit, non tamen
 habuerit peccatum, propter quod
 obire deberet.

Ad 2. ar-
 gumentū.

49. Secundum argumētum quo
 probaretur Virginis mortem poe-
 nam fuisse contracti peccati, de-
 sum-

sumptum est à Dei iustitia, quæ cum rectissima sit, nequaquam permetteret innocuam puniri, neq; in quo nō offendit, affligi. Aliter manifeste arguendus esset Deus iniustitiæ, qui penā infert, ubi nō fuit culpa; vel impotentia, qui iniuste patiem ab iniquis tormentis non valet eripere. Vim argumenti ego agnosco in ceteris hominibus, vel ex eo maxime, quod magna, & irrefragabilis sit apud me Concilij Arausici auctoritas, quæ iniustitiā Deo dari definit, eum, qui solam mortis poenam absq; præcedente culpa originali, in vniuersum genus humanum ab Adam transiisse defenderet, superiori autem iolutione, seu distinctione poenalitatis, & poenæ, sufficienter puto ab his nos liberari molestijs, negando Virgini inflictam esse poenam mortis, sed subiisse conditionem, aut poenalitatem naturæ.

Di-

*Varia poe-
narum
species.*

D. Tho.
ibid. qu.
85. art. 5.
ad 1.

50. Distinctionem hanc poen-
nalitatis à poena simpliciter, &
propriè dicta, admittit, & clarius
docet D. Th. 1. 2. q. 87. a. 7. vbi plu-
ra poenarum genera assignat, ni-
mirum poenas propriè dictas, alias
satisfactorias, alias medicinales.
Quæ distinctio omninò necessaria
est ad intelligenda plura loca sa-
cræ Scripturæ, & ad saluandam
multorum innocentiam, qui plu-
res patiuntur ærumnas, poenosq;
defectus naturæ, vel ad Dei opera
manifestanda, vel propter paren-
tium peccatum, vel ob alia Dei se-
créta iudicia, quantumvis ipsi, qui
hæc mala ferunt, à proprijs culpis
verè sint immunes; nec non ad
percipiendum quomodo quorun-
dam corpora pluribus defectibus;
vt inquit D. Thomas, subiaceant;
quorundam verò paucioribus,
quamvis existente in omnibus æ-
quali originali peccato. Suum
etiam locum, & proprietatem ha-
bea-

beat hæc distinctio poenalitatis , à poena propriè dicta , vel in ipso Domino Salvatore necesse est, qui plures sustinuit poenalitates naturæ , præter illas , quas pertulit in passione , quæ neque propriè , & simpliciter poenæ dicendæ sunt ; quia hæ , inquit D. Th. habent ordinem ad propriam culpam , & vt supra diximus ex Augustino , pro peccato aliquo impenduntur . Et licet Christus omnes suscepit voluntariè pro nostris exoluendis peccatis , multæ illarum , veluti fitis , famis , fatigatio , aliæque huiusmodi ærumnæ , adeò erant assumptæ naturæ mortalis conditiones , vt ei soli tribuendæ essent , dicendæque humani generis destituti , & spoliati donis iustitiæ originalis poenalitates , & veluti naturales miseriæ .

Indidem
q. 87. ar. 7
corp.

57 Clara suppositione clarius hoc licebit intelligere . Etenim , dato , quod nunc generaretur quispiam ,

Cæptus
absq; peccato , in
hoc verum
statu moreretur .

piam, quem Deus seruaret immanem omnino à peccato originali, præseruaretq; ab omnibus actualibus, & gratia habituali, quantumuis magna, donaret, dum tamen naturam, quam à mortalibus accepit parentibus, sibi ipsi secundum principia naturalia relinqueret nec dono aliquo interiori, vel exteriori adiumento præseruaret à morte, nonne tandem dissolutione sui corporis ille planè probaret, quod licet poenam simpliciter dictam ob sua non mereretur peccata, tamen poenalitatem sentiret naturæ destitutæ primigenijs illis donis in ipsa creatione concessis? Clarè hoc docet D. Tho. in 3. d. 16. q. 1. a. 1. & 2. in corp. cui irrefragabilem ex Augustino subijcio rationem. *Non enim, inquit, aliud ex primis parentibus, quam quod ipsi fuerant, nasceretur, pro magnitudine quippe culpa illius naturam damnatio mutauit in peius, ut quod*
pa-

Aug. lib.
13. de ci-
uit. c. 8.

pariter processit in peccantibus hominibus primis, etiam naturaliter sequeretur in nascentibus ceteris. Quod namque est parens homo, hoc est & proles homo. Cum ergo parentes essent mortales, filius hic quantumvis innocens, moreretur.

52 Quod si quispiam adhuc negaret, quod negare non potest, hominem hunc absque culpa moriturum, nec suppositionem velit admittere; omnino admittendam ostendo ex ipsa Christi mortalitate, & Augustini doctrina. Quam innocens, impollutus, & segregatus à peccatoribus fuerit Christus, qui argui non potuit de peccato, nec peccatum fecit, aut habuit, nemini qui Christum fateretur ignorare, aut negare licebit, & tamen domini, domini exitus mortis, seu ut explicat Augustinus, domini nostri exitus non alius, quam mortis fuit. Filius etenim, ut habet Athanasius sui servi, id est Adæ, effectus

Christus
mortalis.
Psal. 67.

Psal. 67.
August.
Ibidem.

Athan.
de incar-
nat. Chri-
sti parum
post ini-
tium,

*factus, accepit mortalem hominem
patrem, & proinde mortem gustat.*
Et sermone 4. contra Arrianos
longe post medium. *Corpus putre-
factile, & mortale assumpsit; Maria
enim mortalis fuit, unde corporis
naturam suam accepit, ac proinde
fieri non poterat, quin cum esset in
corpore patiente, lachrymante, fa-
tisciente sibi quoque una cum corpore
ea dicerentur accidere, quæ propria
sunt solius carnis. A patre ergo
mortali, id est ab Adamo (qui
Christi dicitur pater, non quod
eum continuerit, ut reliquos ho-
mines, in seminio, sed quia totius
generis humani, & B. Virginis, à
qua Christus sola Dei operante
virtute, processit, vere fuit semi-
narium, & pater) & matre etiam
mortali mortalitatem accepit; ab
illo, quia fecit ut tolleretur à car-
ne, per quod redderetur immor-
talis; ab ista, quia qualem illa
accepit, filio communicavit natu-
ram,*

ram, morti, & poenalitibus ob-
noxiam.

53. At dices mortē, & ceteras Obiectio.
poenalitates Christum non condi-
tionis necessitate, sed miserationis
voluntate subiisse; etenim *oblatus* Isai. 53.
est, quia valuit, & quæ non rapuit,
magna miseratione soluenda sus-
cepit. *Mors ergo in domino*, inquit
Aug. *munus misericordie erat, non* Aug. tra-
ctat. 3. in
c. 1. Ioan.
pœna peccati. Hanc itaq; propria
sponte suscepit, ut qui sponte cecis-
derunt, erigerentur a malis, à qui-
bus sola Christi passione poterant
liberari. Dispar proinde omnino
est ratio inter Christum propter
nostra peccata morientem, & ce-
teros homines proprias culpas du-
ra, & inevitabili morte luentes,
neque quod sponte suscipitur, in-
exemplum adduci potest illius,
quod iuste inuitis infligitur.

54. Verum, ac planè certum, Solutio
est, Christum non moriturum, nisi
vellet, nec mortuum esse nisi ad-

H delen-

*Christus
si non oc-
cideretur,
senio mo-
reretur.*

delenda nostra peccata; attamen
si redemptoris munus non exer-
ceret, nec secum statueret pro no-
stris mori peccatis, dummodo ta-
men ei, quam omnes ab Adamo
trahimus, mortali naturæ com-
municare vellet, si eam dono ali-
quo, vel dote superaddita non
præueniret, ne moreretur, sua
corruptione absq; dubio tandem
naturali dissolutione periret. Ita
apertè docet Aug. lib. 13. de ciuit.
c. 23. dum ait Christum tale ha-
buisse corpus, quale necessitatem ha-
bebat moriendi; & expressius lib. 2.
de peccatorum meritis c. 29. *Quia
in eo, inquit, erat similitudo carnis
peccati, mutationes ætatum perpeti
voluit ab ipsa exorsus infantia, ut
ad mortem videatur etiam senescen-
do illa caro peruenire potuisse, nisi
iuuenis fuisset occisus.* Quod etiam
docent asseueranter D. Thomas ci-
tatus a. 2. Scot. in 3. d. 16. q. 2. (li-
cet oscitanter Petrus Cabrera

*Cabrera
in 3. p. q.
14 in cō-
ment. ad
art. 2.*

eum

rem singulariter contrariæ dicat
 esse sententiæ hoc ipso in loco) &
 Duran. ibidem q. 1. nec non ceteri
 Scholastici dicentes Christum
 habuisse naturalem necessitatem
 moriendi supposito, quod non re-
 dundauerit animæ gloria in cor-
 pus, neque aliud ei superaddide-
 rit donum, per quod fieret immor-
 tale. Quisquis ergo, ut antea su-
 posuimus, descenderet ab Adam,
 tametsi peccatum non haberet,
 mortem sentiret, esseq; ei obitus
 non poenæ proprii peccati, sed pe-
 nalitas acceptæ naturæ. Non igitur
 ex morte B. Virginis sufficien-
 ter probatur habuisse peccatum,
 neq; Deus argui poterit iniustitiæ,
 quia innocuam mori permisit, cui
 ex propriæ conditione naturæ mors
 superuenit.

Vide
 Suar. to. 1
 in 3. par.
 dif. 38.
 sect. 1.

55. Facile tamen obijcetur
 hac responsione elidi vim argumē-
 ti, quo vsi sunt sancti Patres ad-
 uersus Pelagianos, & ex hac no-

Alia obijc-
 tio.

H 2 stra

stra doctrina sequi eos inefficaciter
 ex infantulorum morte proballe,
 dari in eis peccatum originale,
 dum eodem modo, quo nos re-
 spōdemus pro B. Virgine, Pelagiani-
 nis liceret respondere pro ceteris
 hominibus. Proculdubio si par om-
 nium esset ratio, & æqua fieret cæ-
 terorum cum Maria comparatio,
 aliquid molestiæ inferret obiectio.
 At quæ nec primam similem visa
 est, nec habere sequentem, quæ
 creaturas supergreditur vniuersas,
 quæ Sanctorum choros vincit pie-
 tate, & Angelos superat puritate,
 quomodo in exemplum possit ad-
 duci? autem ea, quæ illi iuste tri-
 buuntur, non possint cæteris, quan-
 tumvis supremis, hominibus iuste
 negari? Nouum, inusitatum, mirū,
 & in magnis signis computandum
 quidquid in Maria (quæ vel in ip-
 so coelo, ubi res magnæ, & singu-
 lares non adeò prodigiosæ repu-
 tantur, signum magnum apparuit)

Apoc. 12

acci-

accidit præclarum, & (vt in simili
 materia dixit Augustinus) *in mi-
 raculis habendam diuine potentia,
 non ad humane trahendam est exem-
 plar nature*. An ex priuilegio, &
 speciali gratia alicui concessa, be-
 nè argumētatur ad omnes? an il-
 lud, quod specialis affirmatur præ-
 rogatiua, vniuersaliter, & absque
 delectu cunctis largiri licebit? Da
 mihi aliam Dei Genitricē, & eam
 absque peccato conceptam, atque
 extra peccati vltimam mortuam au-
 denter affirmabo. Da mihi aliam
 Mariæ similem, idque ipsum, quod
 Mariæ, absque illo timore conce-
 dam. Quod si *non est simile ei na-
 ta in mundo*, vt candidè & præ dixit
 S. Franciscus, noster institutor, &
 sola sine exēplo placuit altissimo,
 ac de suis visceribus genuit Deum
 & hominem, quid mirum, si nege-
 mus vniuersis, quod soli concedi-
 mus Mariæ? Sola Maria gratia
 plena denunciatur ab Angelo, per

August.
 epilt. 57.
 ad Dat-
 da post
 mod.

S. Fran-
 ciscus o-
 rat 1. de
 B. Virgi-
 ne.

H ; quod

Fulgen.
ser. de
laudibus
Mariæ.

*quod ostendit, Inquit Fulgentius, ex
integro iram exclusam primæ senten-
tiæ, videlicet, quia nec culpæ con-
tagium attraxit, nec peccati poe-
nam admisit. Reliquos omnes
suos posteros primi parentes ob-
noxios peccato mortique produ-
cunt, qui contagioso suo in vitam
introitu, poenæ supplicium me-
reantur in exitu; at Maria commu-
nem omnibus non habuit culpam;
licet communem senserit mortem;
in conceptu immunis à culpa, in
morte longinqua fuit à supplicio.
Nulli profecto mirum videbitur,
quod quæ ceteris fuit maior in do-
nis, hoc præ ceteris fortiatur priui-
legium. Moriuntur ceteri ob pec-
catum, quod contrahunt; moritur
Maria ob qualitatem eius, quam
accepit naturæ.*

Ad 3. ar-
gumentū.

56 Tertium argumentum eo
tendit, ut probet solum mediatorem
Dei & hominum, Christum
Iesum absque meritis mortis mor-
tem

tem sensisse, & præter Christum omnes suo, non alieno mori peccato; illum autem non suo, sed nostro occubuisse delicto; ac proinde rectè inferri Mariam propter suū, quod habuit, etsi non fecit, obijisse peccatum. Verumtamen huic argumento fatissit abundè, si consideremus cum quibus congregiebantur Augustinus, Prosper, & illi Græci Patres, quorum doctrina in argumento profertur. Etenim cū Pelagianis agendum erat, qui omnino gratiam Christi & peccatum originale euacuabant. Vtrumque ut neruose probarent orthodoxi Patres, omnium hominum mortem poenam dixerunt contracti peccati, & solam Christi mortem innocuam fuisse, ut nostras tollerent mortes, mederetur & malis: per quod ostenderent hominum nullū absque peccato conceptum, nec absque Christi gratia regeneratū. Neque tunc expediebat, aut oportebat

tebat vllum ab vniuersali hoc excipi fundamento, ne si demerent quempiam, eadem ratione Pelagiani excipiendos dicerent & ceteros. Mos hic semper fuit sanctorum Patrum, eorumq; qui probè aut doctè argumentantur, nihil interponere, quod eorum intencionem non possit promouere, aut aliquam præbeat ansam subterfugij.

SS. Patres aliquando excessiue, aliquando diminute locuti.
Baron. ad art. 48.

57 Rigorosiùs etiam aliquando loquuntur, quàm velint; dum ardentiori studio (ut adnotauit eruditè Illustriss. Card. Baronius) in hostes inuehuntur, vehementiori impetu in contrariam partem aguntur, ita ut lineam veritatis aliquantulum transgressi videantur. Plus dicunt, inquit Bonau. & minus volunt intelligi. Sicut enim in moribus, quibus vno extremo conatur recedere, ad aliud deflectit, ut tandem ad medium accedat, ut docuit Philosophus, veluti solent ij, qui ligna obliqua ad rectitudinem redi-

Bonauen-
tura in 2
d. 32. 2. 3.
q. 1. ad 2.
Arist. 2.
Ethic. c. 9

di-

digunt: ita Sancti Patres, inquit
 Scotus, ut extinguerent pullulan- Scot. in 2
d. 33. q.
vi. ad 1.
 tes hæreses, frequenter excessiue
 locuti sunt, volentes declinare ad
 aliud extremum. Similem assignat
 solutionem ad quædam Aug. loca
 de penis paruulorū absq; baptismo
 decedentium, D. Tho. de malo q. 5,
 ar. 2. ad 1. eamque largius probat
 vir pius Ioan. Echiussin suo Chryso-
 passo de prædestin. centur. 3. n. 92.
 58 Et profecto ita re ipsa esse,
 seueriusque aliquando, quàm aliàs,
 absque hæresum molestia, expedi-
 ret, loquutos fuisse Sanctos Docto-
 res ipse docet Augustinus, dum
 postea sopitis erroribus plura re-
 tractauerit, vel amplius declaraue-
 rit, quæ dum cum hæreticis con-
 gredereur, durius vel obscurius
 asseruit. In libris de libero arbi-
 trario contra Manicheos, qui immu-
 tabilem quandam & Deo cõstet-
 nam introducebant mali naturam,
 cum nihil de gratia Dei loqueretur,
 tur,

tur, tot ac tanta se dixisse de ipso libero arbitrio ac voluntatis potestate, ad quam omne malum reducendum docebat, ipse commemorat lib. i. retract. c. 9. ut necessariū duxerit largius ostendere, quod Pelagianorum (qui iam tunc quando cum Manichæis ei res erat, non erant exorti) causam non egerit : quia, inquit, *ipse multa in his libris dixi pro libero arbitrio, quæ illius disputationis causa poscebat.* Et infra paulo post fatetur quædam ex eis, quæ contra Manichæos dixit, Pelagium pro sua hæresi stabilienda citasse & parasse Pelagianos, vel putasse potuisse, eam illorum tenuisse sententiam. Et lib. i. de Genesi contra Manichæos c. 5. dixit omnes homines posse si velint Deo, credere, & ab amore visibilium rerum, & temporalium se ad eius præcepta implenda cōuertere, nec tamen tunc dixit, ad hoc præparari voluntatem à Deo, & opus hoc bonum

num à Dei prouenire auxilio, *quæ-
niam præfenti*, vt inquit ipse c. 10.
libri primi retractat: *neccessarium
non erat quæstioni*, proptereaque
suam mentem iudicauit explican-
dam, ne existimarent noui hæreti-
ci Pelagiani secundum eos illud
esse dictum. Alium etiam locum
libri de duabus animabus ait ipse
eod. lib. retract. c. 15. posse putare
Pelagianos pro se scriptum esse, à
qua suspitione se purgat ibidem.

59 Præterea vt adnotauit E-
chius citatus, in libris contra Iu-
lianum, & de gratia & libero arbi-
trio, adeo acriter inuehitur con-
tra hæresim, quæ ex puris natura-
libus credidit hominem posse me-
reri vitam æternam, vt vique adeo
declinet ad aliam partem, vt vi-
deatur ostendere omnem infideliū
vitam peccatum esse. Cuius ver-
ba nude intellecta citandi præ-
buerūt occasionem Gregorio Ari-
minen. vt in 2. distinct. 28. dice-
ret

ret eleemosinam ex naturali pietate prestitam ab infideli, peccatum esse; & si subueniret etiam ex visceribus misericordiae pauperi & inopi, identidem peccatum esse. Similiter deceptus est Dionys. Cisterciens. in 1. d. 17. dum ait, dicentes Horas Canonicas absque charitate peccare.

60 Plura huiusmodi obseruare dicebit apud antiquos fidei antagonistas, qui vt aduersarios fidei debellant, vniuersales statuiebant regulas, absolutosque suae doctrinae canones, quos proculdubio aliquando pari exceptiones probè norunt; nec incidentibus questionibus se implicare volebant, nè aduersarijs diuerticula, aut tergiversandi præberent anfractum, vel de alijs rebus itomixta, seu inserta disputatione controuersias principales facerent interminabiles. Itaque se sæpius falsus est August. sed præcipue lib. 1. tract.

tract. cap. 9. loquens de libris supra relatis de libero arbitrio contra Manichæos. In his, inquit, libris multa ita disserta sunt, ut incidentes nonnulla questionas, quas, evadere non poteram, vel longam sermocinationem requirebant, ita differrentur, ut ex utraque parte vel ex omnibus earundem questionum partibus, in quibus non apparebat, quid potius congrueret veritati, ad hoc tamen ratiocinatio nostra concluderetur, ut quodlibet eorum verum esset, laudandum crederetur, vel etiam ostenderetur Deus. Non immerito proinde docuit Scotus citatus, quod multum ponderandum est contra quos hæreticos locuti sunt sancti, nam ex hæresi opposita, quam impugnabant, facile deduci possunt rationes, quare accessoriam aliquam questionem non discussissent, aut plura, quæ clarius explicanda vel excipienda erant, consulto tacuerint, & in commodiorem locum oce-

occasioneque distulerint.

- 61. Cum igitur quicquid de
vniuersali cōtractione peccati ori-
ginalis, eiusque effectibus, aut pe-
nis consequentibus, statuerunt san-
cti Patres, contra eos scripserint,
qui peccatum originale in vniuer-
sum negabant, nec adeo laesam,
aut deprauatam dicebant naturā;
quin suis viribus, & absque spe-
ciali Christi gratia regnum æter-
num homines consequi possent,
nihilque opus esset, nec illorum
iunaret causam, vt alicuius fieret
exceptio à pestifera hac tabe, qua
omnes in conceptu infici secūdm
fidem docuerant Catholicam, de
præseruatione Virginis & Im-
maculata eius Conceptione tacue-
runt. Vt quid enim vbi nihil opus
erat, in nouas se conijcerent an-
gustias, & largiorum texerent di-
sputationem de questione, cuius
resolutio nihil suæ fauebat causæ,
nec prætermisio nocebat? Vt quid

contra hæreticos probantibus, &
 constituentibus in vniuerso homi-
 num genere peccatum originale,
 in quopiam illud negarent, dum
 de illo ipso non interrogarentur,
 aut illud decidi ipsa non expo-
 stularet disputatio? Vt primum
 à Pelagio factum est de Virgi-
 ne Verbum, dicereturque *eam*
sine peccato confiteri necesse esse
pietati, statim arrepta occasio-
 ne Augustinus eam indefinitè om-
 ni ex parte vicisse peccatum con-
 firmavit; nihil amplius decla-
 rans circa ipsum genus peccati,
 quam suis verbis antea concessit
 Pelagius. Quod aduersarius in ar-
 gumento volebat, id Augustinus
 in responsione firmiter stabiliuit,
 nec peccata, de quibus intelligen-
 dus erat, distinxit, nec conceptum
 à cætera vita separauit, ne mendi-
 cata occasione ex clariori explica-
 tione, & ablegatione expressa pec-
 cati originalis, à principali intento
 de

Aug. l. de
 rat. & gra-
 tia c. 32.

de ostendenda gratia Christi necessitate, facile dilaberentur ad incidentes quaestiones largius indagandas, quas alias absque causa praëiudicio praetermitti liceret. Similiter in hac assertione vniuersali de morte omnium in penam proprii peccati, differendum est, quod probantibus ex morte corporali peccatum infantum non expediebat, nec opus erat docere, cum plena innocentia in sacratissima Virgine compati mortem, aut quempiam praeter Christum absque meritis mortis mortem sentire. Proinde quantumuis rigorosè locuti sunt propter hæreticos, non absurde, nec temerè iudicare licebit B. Virginem ex eorum sententia ab vniuersali illa assertione fore excipiendam; praesertim cum in locis illis superius citatis firmiter asserant de fide esse nullum, praeter Christum mori absque peccato, seu merito mortis, nec ta-

men

men de fide fit Mariam vllum habuisse peccatum, imò ita asserere fit temerarium, & erroneum ex declarationibus Pontificijs.

62 Vrgere verò videtur plus ceteris argumentis ille expressus, *Ad quartum argumentum.* quem citauimus, Augustini locus, quo absque vllò dubio asseuerat Mariam mortuam propter peccatum, quo constanter statuto, & probato, vanum esse, quem in eludendis argumentis hucusque posuimus, laborem, quispiam contendet, dum ex hoc vno loco possint omnes, quas hucusque assignauimus, solutiones elidi. Verum ego mihi persuadeo, ceterisque me persuasurum spero, hæc Augustini verba nostræ non aduersari sententiæ, & nihil minus per ea voluisse sanctum Doctorem, quam vt sacratissima Virgo obierit propter peccatum, quod illa aliquando habuerit. Duplex est huius loci solutio; vna Anselmi,

I

mi,

mi, vel Authoris commentariorum ad epistolas Pauli, qui inter eius opera circumferuntur, in caput 8. epist. ad Romanos, ad illa verba *de peccato damnauit peccatum in carne*, vbi locum hunc Augustini ita transcripsit. *Maria ex Adam mortua propter peccatum, nisi diuinitus exempta fuisset, & caro Domini ex Maria mortua &c.* Vbi sub cōditione intelligendum vult Augustinum, nimirum Virginem sacratissimam ex se, & ex sua natura contracturam originale peccatum ex Adam, propter quod iustè moreretur, nisi per Dei potentiam exempta fuisset à lege vniuersali contractionis, & pœnæ necessario consequentis.

*Secunda
solusio.*

63 Secundam ego adhibeo expositionem consequenter ad ea, quæ hætenus dicta sunt, quam semper huius loci genuinam esse intellexi, nimirum vt Maria verè dicatur mortua propter peccatum,

vt

vt Augustinus asserit, sed ad eum sensum, quem posuimus, vt peccatum fuerit causa mortalitatis acceptę à parentibus mortalis naturę, non tamen peccatum suum; sed primum illud Adami, fons omnis nostrę miserię. Iuuant hanc, & veluti suggerunt explanationem ipsa Augustini verba, nam cum vellet probare Christi mortem ideo dici ab Apostolo peccatum, quia carnem assumpsit de massa ipsa, quę mortem meruerat ex peccato, subiunxit; *Maria ex Adam mortua propter peccatum*. Non dixit absolutę Mariam mortuam, sed *ex Adam mortuam*, quasi velit causam mortis Virgineę in Adam refundendam; & non suo tribuendam peccato, sed illi Adami, propter quod tota massa mortem meruerat, dum demeruit illis frui bonis, per quę pręseruaretur à morte. Similiter non dixit carnem Christi absolutę

mortuam, sed carnem Christi *ex Maria mortuam*, significans illam ipsam mortem, quæ suæ euenit carni, vt nostra deleret peccata, à Maria habuisse principium. Nam, vt supra docuimus, illam cum sua vestiuit carne, & talem contulit, qualem ipsa habebat, mortalem, passibilem, & quæ necessitatem mortis habebat, nisi dono aliquo præseruaretur à morte. Circumspectissimis certè & præmeditatis his formulis loquendi innuit sapientissimus Magister Mariæ mortem in Adam, & Christi in Mariam referendam, quippe ille naturæ necessitatem intulit moriendi, hæc verò immortalem mortali carne contexit.

64 Confirmant etiam hunc sensum plures codices antiqui, in quibus ita legitur hic locus; *Maria ex Adam mortua propter peccatum Ada*, non quia peccauerit in Adamo (vt quidam ex tute-
tela.

telaribus Conceptionis immacu-
 latae , quorum expositionem seu
 sententiam iam supra refellimus ,
 fenserunt) sed quia peccatum ,
 Adæ vere fuit causa vt moreretur
 Beata Virgo ad modum iam ex-
 plicatum . Quo etiam pacto eis-
 demque verbis possemus dicere ,
 Christus ex Adam mortuus est
 propter peccatum , non solum vt
 præpositio *propter* significat cau-
 sam finalem, videlicet quod Chri-
 stus mortuus sit propter delendum
 peccatum , verum vt etiam signi-
 ficat causam efficientem , quia
mors Christi , vt ait eodem loco
 Augustinus , *non est nisi de pecca-*
to , & proinde dicitur ab Apostola
ipsum peccatum , quia facta est pec-
 cato , quomodo dicitur lingua Gra-
 ca , lingua Latina , non ipsum mem-
 brum carnis , sed quod fit per mem-
 brum carnis . Cum ergo Christus
 Dominus non aliam assumpserit
 carnem , quàm *hanc ipsam* , vt in-
 quit

Chrisost.
hom. 13.
in cap. 8.
ad Rom.

quit Chrysostom. *afflictam, laboribusque confectam*, & ex peccato hæc prouenerit miseria, quam etiam absq; peccato voluit Christus pati, optimè potest dici mortuus propter peccatum. Hos autem habere sensus præpositionem hanc *propter* docet D. Thomas de potentia q. 5. art. 5. ad 3. Atq; ipse Augustini locus insinuat, dum Adamum, & Mariam propter peccatum, tanquam per causam efficientem (quam talem lato modo vocamus, vt superius adnotaui-
mus) mortuos dicat, & Christum propter delenda peccata. Quapropter mortuam admittimus Mariam propter peccatum Adæ, tanquam per causam mortalitatis humanæ, non propter aliquod suum, propter quod puniri deberet: quo etiam modo Christum mortuum, liceret dicere propter peccatum, quia, vt inquit Beda; *Mors Christi est effectus, & pæna illius peccati, quod*

Beda in
psalm. 34
vers. 16.

quod Adam perpetravit.

65. Sed non contemnendum, *Dubium.*
 se offert dubium, quid per varias
 has partitiones, diuersasq; assignatas
 personas voluit insinuare Augusti-
 nus? Etenim dum Adami, Mariæ, &
 Christi mortes adduxit præ ceteris
 in exemplum, quispiam iudica-
 bit eum voluisse docere, & breui-
 ter recensere omnia mortis gene-
 ra, vel causas omnes, à quibus
 procedat; adeoque voluisse dicere
 Adam mortuum propter pecca-
 tum actuale, Mariam propter ori-
 ginale, & Christum sua voluntate;
 neque enim alia est præter has,
 causa, propter quam mors incur-
 ratur. Verum enim verò Augusti-
 num causas mortis distinctasque, *Dubii. se-
 latio.*
 hominum exitus indicasse, mihi
 est in confesso, differentiam tamen
 ita constituendam iudicari; vt
 in Adamo posuerit peccatorum,
 exemplum, qui verè habent, vel
 originale, vel actuale peccatum,

I 4 pro-

propter quod mortem mereantur ,
 sicut Adamus propter suum actua-
 le , quod posterorum futurum erat
 originale , mortuus est . In Maria
 autem significarit mortem ex ipsa
 constitutione destitutæ naturæ ne-
 cessariò sequendam , quantum-
 cumque non inesset peccatum . In
 Christo verò mortem volūtariè , &
 sponte susceptam . Superiorem
 autem explicationem verborum

Angel. & Augustini probant viri docti supe-
 rius citati , & mihi omninò con-
 formior videtur menti , & doctri-
 næ Sancti Doctoris , & facilior ad
 elidendas omnes aduersariorum
 obiectiones .

*Responde-
 tur ad Bo-
 nauenturæ
 argumen-
 tum .*

August.
 lib. 10. de
 Gen. ad
 lit. c. 18.

66 Ultimò ad Bonauenturæ
 respondemus argumentum sacra-
 tissimam Virginem meritum , aut
 reatum mortis (qui secundum
 Augustinum *apparet in motu carnis
 non voluntario , quamvis voluntate
 superando* , qualis nunquam fuit in
 Virgine) nequaquam habuisse ,

neq;

neq; iniustitiam ei factam in morte perpeſſa, vt ſupra largius probauimus, neque diſpenſatiuè pro ſalute humani generis mortuam, quod nullus auſit affirmare, ſed naturæ fragilitati ceſſiſſe, ad modum, quo ſupra explicatum eſt. Bonauentura autem ex morte, tanquam ex poenâ, peccati, quod aliquando infuerit, voluit probare ſacraſſimam Virginem in peccato conceptam. Quam ſententiam tunc amplectebatur adhuc adoleſcentioris ætatis, dum ſcripſit in Magiſtrum 2, circa trigefimum ſuæ ætatis annum. Aliter tamen, proſectioris ætatis, & maioris litteraturæ factus, ſenſit, nam ſæpius, & clarius D. Virginem à peccato iſto voluit immunẽ. Nul- li hoc eſſet dubium, niſi quidam dubium eſſe putaret in margine ipſius ſermonis, & in præfatione ad lectorem, an ſermo ſecundus de B. Virgine, qui inter ſermones

a Octau.
à Mart.
Petrus
Galeſin.
Maurit.
Breſſius.
Piſan. &
alii in
eius vita
Anton. 3.
p. tit. 24.
c. 8.

communes ad finem tomi 3. circumfertur ; huius sancti Doctoris esse dicendus sit. Ibi enim absq; vlla ambiguitate , & data opera terminis Theologicis , & pijs rationibus contendit sanctus Doctor sacratissimæ Virginis Conceptionem fuisse immaculatam . At qui præcedit , & qui sequitur , primus & tertius , secundum hunc sermonem eiusdem esse sancti Doctoris omnino probant , dum firmissimo nexu inter se cohærent , apertisque sequelis eiusdem doctrinæ . Ne vero de ipsius Doctoris mente vacillare deinceps libeat , aliud minime dubium exhibeo eiusdem testimonium ex opusculo contéplationis, quod ante finem tomi Sexti videre est , in quo varias meditationes per singulas hebdomadæ ferias per flores , & fructus distribuit . In meditatione feriæ secundæ ad Nonam ita habet.

Flos

Flos Quintus

*Iesus promotor prouidus materna
dignitatis.*

*Ad Nonam tres fructus
attende.*

*Maria mirabilem Conceptionem
absque iniquatione,*

*Puella mirabilem educationem,
in templum oblatione.*

*Virginis mirabilem desponsationem,
Ioseph copulatione.*

Insuper in vetusto codice, sermonum Sancti Doctoris ante centum annos excuso in sermone Annunciationis ita habet. O quam ergo gloriosa est domina, qua culpa caruit, vniuersaliter intellige & de actuali, & de originali.

67 Cum igitur Sanctus Doctor eius fuerit maturiori ætate
sen-

sententiæ, vt peccatum originale nequaquã contraxerit Virgo Deipara, plane sequitur, vt iam non in poenam peccati eam subiisse mortem consequenter intellexerit. Neque in hac eius posteriori sententiâ, illa mors vllatenus poena secundum propriam poenę acceptionem, dicenda est, cum ipse in lib. 2. sent. d. 36. a. 2. q. 2. doceat huiusmodi poenas nō infligi absq; eo quod præcesserit culpa. Cum igitur tã apertè locis proxime citatis ipse neget vllum in B. V. præextitisse demeritum culpæ, consequenter negabit eius mortem rationem personalis habuisse supplicij. Admittet tamen facile poenam esse totius nature, ob primam illam primi hominis inobedientiam, vniuersalemque omniũ in vno condemnationem, qui ita fuit morte mulctatus, vt etiam quidquid eius stirpe esset exortum, eadem poena teneretur obnoxium. Hac ratione

Aug. 13.
de ciuit.
cap. 3.

tione Mariæ mors poena peccati,
 est, quia illius primi poena pec-
 cati, nam quod sine illo peccato
 nullatenus esset, illius peccati non
 improprie poterit dici supplicium.
 Eadē ratione etiam Christi mors
 à Beda supra citato, alijsque San-
 ctis patribus, poena dicitur illius
 peccati, quia sine illo non esset.
 Licet etenim natura sit per se cau-
 sa corruptionis, non careret, quo
 præseruaretur à corruptione, nisi
 in ipsa nature radice culpa præi-
 ret. Causa est per accidens, in-
 quit S. Thom. mortis peccatum,
 quia remouens prohibens, quo re-
 moto naturales suos patitur ne-
 cessario natura defectus, & quo nō
 remoto nullos sentiret, Egregie
 Augustinus, postquam disseruit de
 multiplicatis doloribus, & ærum-
 nis mulierum, & partum in do-
 lore dixit esse poenam peccati, *Aug. de*
 subiunxit. *Nam ut in pecoribus* *Genes. cō*
fœmina cum doloribus pariunt filios, *tra Ma-*
nic. c. 19.

Tho 1.2.
 q.45.2.5.

Aug. de
 Genes. cō
 tra Ma-
 nic. c. 19.

&

& hac est in illis mortalitatis condi-
 tio, potius quam pœna peccati. Po-
 test ergo fieri ut etiam in fœminis
 hominibus mortalium corporum sit
 ista conditio; sed hoc est magnum sup-
 plicium, quod ad istam corporum
 mortalitatem ex illa immortalitate
 venerunt. Similiter quantumcū-
 que in B. Virgine mors destitutæ
 fuerit conditio naturæ, poenali-
 tas, seu pœna dicetur, non proprię
 culpe sed illius primæuæ, qua duo
 illi primi nostri generis au-
 thores in nos, & in semet-
 ipsos ut inquit Ter-
 tull. homici-
 dium
 commiserunt, exoiden-
 do de immorta-
 litate.

Tertul. l.
 adu. Iu-
 dæos c. 20

* *

EPILO-

EPILOGVS.

HAec igitur nostri discursus summa, & compendium est, vt primi parentes ex principijs corruptibilibus constituti, à corruptione tamen per lignum vitæ præseruandi, mortales euaserint per culpam, iustissima separatione à vitali edulio, perdendo illud, per quod in immortalitate persisterent. Per eos mortales factos mors intrauit in orbem terrarum, & quam ipsi passuri erant, in omnes, qui communi concubitu ex ijs descendunt, cum illius peccati reatu, etiam hanc peccati poenam transfundunt. Solam sacratissimam Dei Genitricem eximendam iudicamus à prima transfusione, & vniuersali illa communione peccati, quam Deus pijsima, & conuenientissima miserationis sue gratia præuenit, ne communi ta-
be

be inficeretur . Mortem tamen incurrit ob naturæ destitutæ fragilem constitutionem . Neque enim iam erat , per quod quispiam in mortali natura , à mortalibus parentibus accepta , liberaretur à morte ; Poenalitas ergo naturæ mors fuit in B. Virgine , & primi sequela peccati , non proprii , quem aliquando habuerit , poena reatus , ita vt quantumcumque non haberet, quod Deus, vt in ceteris hominibus , vendicaret per mortem , habuit tamen per quam necessario moreretur, communem omnibus naturam . Ceteri tamen hominum , qui dumtaxat homines sunt , nullo excepto , non solum habuerunt illam caducam naturæ conditionem , per quam ducerentur ad interitum , verum etiam contraxerunt de facto , per quod si nulla alia esset corruptionis origo , iuste punirentur per mortem . Priuilegium est Virginis singulare

re

re, vt moreretur, licet necessario,
 absque proprio merito mortis;
 prerogatiua est naturalis Christi
 Saluatoris, vt mortem, sed pro-
 pria sponte, sentiret, qui non pro
 suis satisfacere, sed nostra ve-
 nit delere peccata. Communis
 fuit matris, & filij foelicitas, quod
 alieni essent ab omni peccato, vt
 vel ipse D.Tho. expresso, qui mi- D.Th. in
Pl. 14.
 hi nuper occurrit, loco testatur,
 dicens: *In Christo, & Maria nul-
 la omnino macula fuit*; sed hoc fe-
 licitatis discrimine, vt ille non
 potuerit, hæc potuerit habere. In
 morte etiam absq; peccato similes,
 ita tamen vt eam, si ille vellet,
 posset: hæc, etsi vellet, nequa-
 quam posset euadere.

Longiori forsan ratiocinatione,
 quam sperabat, qui præcepit, vt
 scriberem, illius desiderio satisfac-
 ci, inde tamen veniam expectans,
 quod illi respondebam, qui de re
 tanta, quam multa dici possent,
 debe-

Vide
August.
ep. 23. an
te fin.

Athanas.
lib. de in-
car. Ver-
bi post
med.

deberentque, nequaquam nesciret. Noni etiam domesticæ consuetudinis licentia alterum illum Nebridium, Augustino charum, qui valde oderat de questione magna responsionem breuem. Ego quam iudicavi necessariam, huic quæstioni, non vulgari, adhibui, & planè existimo, quod quantum attinet ad aliquos, non satis adhuc dixi, quantum ad alios plus fortè, quam sat est. Altius petenda fuit dubiæ quæstionis origo, & ad diuina decreta, hominisque primæuam constitutionem recurrendum, & multa erant sæpius, vel in quæstionis assertionem, vel in argumentorum solutionem, rerumque grauiorum incidenter occurrentium clariori explicatione, repetenda, atque inde prolixior factus sum, unde desideravi clarior haberi. Iudicavi etenim secundum Athanasij mentem omnino expedire, quod

ubi de numinis decretis placitisque

men-

*mentio fit, ibi longiore interpreta-
tione utamur, ne quid omittatur,
quod omisſum nobis in culpam cedat,
ſi non plene rem ipſam eloquamur.
Melius eſt etiam ſapius iterata ſen-
tentia crimen ſuſtinere, quam ali-
quid eorum prætermittere, qua enar-
rari debuerant. Feci quod potui,
reſponſi quod ſentio, ſed quam
inſufficienter agnoſco, lectoris erit
ignoſcere, & quæ minus rectè
dixi, benignè corrigere.*

*Beata Virgo præ amore, &
ſine dolore mortua eſt.*

Albert. Magn. in
Mariali.





R O M A E,

Typis Nicolaiangeli Tinassij .

M. DC. LV.



Superiorum permissu .



33

34

35

